


9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

C40-4514

丁翁士廣文方及可
家書置武州紫雲山
穀微庵塔院庭中永
為學者不敢許出院內
當山三世鐵牛機謹認



B 64853

阿毗曇毗婆沙論卷第五十六

~~迦~~

~~旃~~

~~延~~

~~子~~

~~造~~



北涼

沙門

浮陀

跋摩

共道



泰譯

使健度十門品第四之三

問曰但一經說色識餘經多說眼識答曰若是內法

則說不說外法如內外所依所緣根根義所境界境
界不共共說亦如是復次識以所依故有別名從眼
生者名爲眼識乃至從意生者名爲意識如聲以所
依故有別名如鼓聲依鼓貝聲依貝琴聲依琴彼亦
如是問曰此皆依意何以不盡依名意識耶答曰若

1 2 3 4 5 6 7 8 9

180

1 2 3 4 5 6 7 8 9

160

1 2 3 4 5 6 7 8 9

1 2 3 4 5 6 7 8 9

依是不共不同別異相作識別名云何眼識所依不
共不同別異謂依於眼不依餘乃至身識說亦如是
以是事故而作四句或作所依不作次第緣乃至廣
作四句作所依不作次第緣者謂俱生眼作次第緣
不作所依者謂前次第滅心數法作所依作次第緣
者謂意界不作所依不作次第緣者除上爾所事乃
至身識說亦如是若爲意識作所依亦爲意識作次
第緣耶答曰若作所依亦作次第緣頗有作次第緣
不作所依耶答曰有前次第滅心數法尊者和須密
說曰亦綠色生識何故不言色識但言眼識答曰眼

爲識作所依非色復次眼所作勝復次眼在自身中
色則不定復次眼是內入色則不定復次眼屬內色
則不定復次眼於識有損益色則不爾問曰若然者
色亦有損益答曰一色雖有損益餘色能生眼識眼
不爾若一眼壞更無餘眼能生識餘識說亦如是復
次眼有上中下識亦有上中下色則不爾復次眼是
不共色則不定如緣一界中色生二界中識無有依
一界中眼生二界中識緣一趣中色生五趣中識無
有依一趣中眼生二趣中識何況多四生識亦如是
復次眼是威勢非色尊者佛陀提婆說曰若眼無留

難識亦無留難問曰色若有留難識亦有留難若無色者識何緣生答曰不爾境界常不壞所依有壞若所依壞者識則不生假令有那由他色若所依壞緣色識不生者識則住不生法中問曰眼識識色何故言眼識色耶答曰或說所依以顯依或說依以顯所依說所依以顯依者如此中說眼能識色說依以顯所依者如說眼識所更所分別色見復次以名義勝故如伎人染衣書法猶如伎師作伎時非無伎子伎女及餘侍從時會然伎師於中勝故但言伎師作樂如以染染衣非無人水器等但染勝故言以染染衣

如以筆作字令字有差別非無人工紙墨等但筆於中勝故說筆作字令字差別如是雖識能識色以眼勝故說眼識色復次眼是識色具故言眼識色如說伴行於道行者是足非伴伴是道行之具彼亦如是雖識識色眼是識色具故言眼識色有心意識問曰心意識有何差別答曰或有說者無有差別心卽是意意卽是識如是等皆同一義無有差別如火名火亦名燄亦名熾亦名樵薪如是等十名經說帝釋名因陀羅亦名憍尸迦亦名釋迦亦名千眼一帝釋有如是等十名如阿毗曇說受名爲受亦名別受亦名

等受亦名覺受一受有如是等五名彼亦如是一心法有三種名復有說差別者名卽差別是名心是名意是名識復次過去名意未來名心現在名識復次說界時名心說入時名意說陰時名識復次遠行義是心義如偈說

獨行遠近 不依於身 能調是者 解脫怖畏
復次前導義是意義如偈說

意爲前導 意尊意駛 意若念惡 卽言卽行
罪惡報應 如影隨形

生相續義是識義復次性義是心義輪門義是意義

聚義是識義復次種種雜色義是心義如說比丘當知畜生趣所以有種種雜色者皆由心有種種故有種種雜色歸屬義是意義如說比丘當知此五根雖行種種境界必待意分別終歸屬意分別物體相是識義復次增積義是心義解了義是意義別識義是識義尊者婆奢說曰增積義斷義是心義解了義知義是意義能識義別識義是識義增積是有漏斷是無漏解了是有漏知是無漏能識是有漏別識是無漏心意識是謂差別若界有如是相者此中略說如眼識耳識鼻識舌識身識說亦如是云何意界答曰

9

1 2 3 4 5 6 7 8 9 180

1 2 3 4 5 6 7 8 9 180

1 2 3 4 5 6 7 8 9 180

1 2 3 4 5 6 7 8 9

若意能識法已識今識當識及餘彼分意是名意界已識是過去意界今識是現在意界當識是未來意界及餘彼分意界者未來必不生意界無有過去現在彼分意界如意界意識界亦如是問曰何故不說五識界彼分答曰應說而不說者當知此說有餘復次五識以生爲差別彼分是不生法復次五識以所作爲差別彼分是無所作復次若說意識界彼分當知亦略說五識界彼分云何法界答曰已爲意所知今爲意所知當爲意所知已爲意所知是過去法今爲意所知是現在法當爲意所知是未來法問曰何

故不說法界彼分耶答曰無有彼分法界所以者何無有如是法非意境界若生一剎那意界除其自體相應共生餘一切法盡緣問曰十色入亦是意境界何故說名彼分耶答曰不以意境界故說自分彼分乃以眼於色有自分彼分色於眼有自分彼分乃至身觸亦如是若以意境界說自分彼分者則十二入盡是自分無有彼分所以者何盡是意境界故以是事故作如是說頗有共生法或是自分或是彼分耶答曰有十色入是彼分生老無常是自分所以者何生老無常是法界所攝故法界中無有彼分頗有相應

9

1 2 3 4 5 6 7 8 9 180 1

2

3 4 5 6 7 8 9 180 1

2

3 4 5 6 7 8 9 180 1

2

3 4 5 6 7 8 9 180 1

2

3 4 5 6 7 8 9 180 1

2

3 4 5 6 7 8 9 180 1

共生法或是自分或是彼分耶答曰有未來必不生
意界是彼分彼相應共生迴轉是自分所以者何是
法界攝故法界中無有彼分

問曰頗以一眼界微塵作所依一色界微塵作境界
能生眼識耶答曰不生所以者何五識身依積聚緣
積聚依合聚緣合聚眼識依自界緣自界他界耳識
亦爾意識依自界他界緣自界他界餘三識依自界
緣自界復次眼識依自緣自緣他耳識亦爾意識依
自依他緣自緣他餘三識依自緣自此中說自他者
即是界自他復次眼識依近緣近緣遠耳識亦爾意

識依近依遠緣近緣遠餘三識依近緣近所以者何
根與境界無間識乃得生餘廣說如雜捷度問曰者
彼繫眼彼繫色卽生彼繫識亦生餘繫識耶答曰或
卽生彼繫眼彼繫色亦生餘繫識卽生彼繫識者生欲界欲
界眼見欲界色生欲界繫識生欲界初禪眼見初禪
色生初禪眼識生初禪初禪眼見初禪色生初禪眼
識是名卽生彼繫識生餘繫識者生欲界以初禪眼
見欲界色生初禪識生欲界以第二禪眼見欲界色
生初禪識以第二禪眼見初禪色生初禪識以第二
禪眼見第二禪色生初禪識以第三禪眼見欲界色

9 10 1 2 3 4 5 6 7 8 9

180 1

160 1

2 3 4 5 6 7 8 9

10 1 2 3 4 5 6 7 8 9

生初禪識以第三禪眼見初禪色生初禪識以第三禪眼見第二禪色生初禪識以第三禪眼見第三禪色生初禪識以第四禪眼見欲界色生初禪識以第四禪眼見初禪色生初禪識以第四禪眼見第二禪第三禪第四禪色生初禪識亦如是是則說生欲界者生初禪以初禪眼見欲界色生初禪識餘應隨相廣說如生欲界者生第二禪第三禪第四禪廣說亦如是問曰彼繫身彼繫眼彼繫色卽生彼繫識亦生餘繫識耶答曰卽生彼繫識亦生餘繫識卽生彼繫識者生欲界以欲界身欲界眼見欲界色生欲界識

生初禪以初禪身初禪眼見初禪色生初禪識是則說卽生彼繫識生餘繫識者生欲界以欲界身初禪眼見欲界色生初禪識以欲界身初禪眼見初禪色生初禪識以欲界身第二禪眼見欲界色生初禪識以欲界身第二禪眼見第二禪色生初禪識以欲界身第三禪眼見欲界色生初禪識以欲界身第三禪眼見初禪色生初禪識以欲界身第三禪眼見第二禪色生初禪識以欲界身第三禪眼見第三禪眼見欲界身第四禪眼見欲界色生初禪識以欲界身第

四禪眼見初禪色生初禪識見第二禪乃至見第四禪色說亦如是是則說生欲界者生初禪以初禪身初禪眼見欲界色生初禪識以初禪身第二禪眼見欲界色見初禪色見第二禪色說亦如是以初禪身第三禪眼見欲界色初禪色第二禪色第三禪色說亦如是以初禪身第四禪眼見欲界色初禪色第二禪色第三禪色第四禪色說亦如是如生初禪生第二禪色第三禪色第四禪亦應隨相說以是事故作如是說頗有餘繫身餘繫眼餘繫色生餘繫識耶答曰有生欲界以欲界身第三禪眼見第二禪色生初禪識以第

四禪眼見第二禪色以第四禪眼見第三禪色說亦如是生第二禪以第二禪身第三禪眼見欲界色生初禪識亦爾以第二禪身第四禪眼見欲界色生初禪識亦爾以第二禪身第四禪眼見第三禪色生初禪識亦爾以第二禪身第四禪眼見第三禪色生初禪識亦爾生第三禪以第三禪身第四禪眼見欲界色生初禪識亦爾以第三禪身第四禪眼見第二禪色生初禪識亦爾如眼界色界眼識界耳界聲界耳識界說亦如是問曰若彼繫鼻彼繫香即生彼繫識亦生餘繫識耶答曰即生彼繫識不生餘繫識欲界繫鼻欲界香即生欲界繫識如鼻界香界鼻識界舌

9 10 11 12 13 14 15 16 17 18 19

180

190

190

19

界味界舌識界說亦如是問曰若彼繫身彼繫觸卽生彼繫識亦生餘繫識耶答曰或生彼繫識亦生餘繫識生彼繫識者生欲界以欲界身欲界觸生欲界識生初禪以初禪身初禪觸生初禪識是則說生彼繫識生餘繫識者生第二禪以第二禪身第二禪觸生初禪識生第三第四禪亦如是所以者何卽彼身觸非餘身觸問曰若彼繫意彼繫法卽生彼繫識亦生餘繫識耶答曰或生彼繫識或生餘繫識生彼繫識者生欲界以欲界意知欲界法生欲界意識乃至生非想非非想處以非想非非想處意知非想非非想處

想處法生非想非非想處識是則說卽生彼處繫識生餘繫識者或有說欲界善心次第生未至餘未至依次第生欲界善心復有說者欲界善心次第生未至依亦生初禪未至依初禪次第生欲界善心復有說者欲界善心次第生未至依初禪中間禪彼三地次第生欲界善心尊者瞿沙作如是說欲界善心次第生未至依初禪中間禪第二禪彼四地次第生欲界善心如行者入超越定從初禪起二禪及眷屬起第三禪現在前此亦如是評曰應作是說欲界善心次第生未至依初禪彼二地次第生欲界善心欲界

9 10 1 2 3 4 5 6 7 8 9 10 1 2 3 4 5 6 7 8 9

10

10

10

10

10

10

10

10

10

10

10

善心次第生未至依初禪者欲界意次第生初禪意識法或三界繫或不繫彼二地意次第生欲界善心初禪意生欲界意識法或三界繫或不繫初禪次第生第二禪是順次定初禪意生第二禪意識法或三界繫或不繫第二禪次第生初禪是逆次定第二禪意生初禪意識法或三界繫或不繫乃至第三禪次第生第四禪是順次定第三禪意生第四禪意識法或三界繫或不繫第四禪次第生第三禪是逆次定第四禪意生第三禪意識法或三界繫或不繫第四禪次第生空處是順次定第四禪意生空處意識法

或無色界繫或不繫空處次第生第四禪是逆次定空處意生第四禪意識法或三界繫或不繫空處次第生識處是順次定空處意生識處意識法或識處繫或無所有處繫或非想非非想處繫或不繫識處次第生空處是逆次定識處意生空處意識法或無色界繫或不繫乃至無所有處次第生非想非非想處是順次定無所有處意生非想非非想處意生無所有處或非想非非想處繫或不繫非想非非想處意生無所有處意識法或無所有處是逆次定非想非非想處意生無所有處意識法或無所有處繫或非想非非想處繫或不繫

9 10 11 12 13 14 15 16 17 18 19 180 190 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

初禪次第生第三禪是順超定初禪意生第三禪意識法或三界繫或不繫第三禪次第生初禪是逆超定第三禪意生初禪意識法或三界繫或不繫如是乃至識處次第生非想非非想處是順超定識處意生非想非非想處意識法或非想非非想處繫或不繫非想非非想處次第生識處是逆超定非想非非想處意生識處意識法或識處無所有處非想非非想處繫或不繫如是等則說定復有餘定亦可爾欲界有四種變化心欲界有初禪果變化心欲界有第二第三第四禪果變化心此變化心次第生淨禪淨

禪次第生變化心淨初禪次第生欲界初禪果變化心初禪意生欲界意識法是變化或四入或二入欲界初禪果變化心次第生淨初禪欲界意生初禪意識法或三界繫或不繫乃至淨第四禪次第生欲界第四禪果變化心第四禪意生欲界意識法是變化若四入若二入欲界第四禪果變化心次第生淨第四禪欲界意生第四禪意識法或三界繫或不繫如是則說定生時亦可爾欲界命終生初禪欲界意生初禪意識法或八地繫或不繫初禪命終生欲界初禪意生欲界意識法或三界繫或不繫欲界命終乃

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

至一生非想非非想處欲界意生非想非非想處意識法或非想非非想處繫或不繫非想非非想處命終生欲界非想非非想處意生欲界意識法或三界繫或不繫乃至無所有處命終生非想非非想處無所有處意生非想非非想處意識法或非想非非想處繫或不繫非想非非想處意識法或無所有處非想非非想處意生無所有處意識法或無所有處繫或非想非非想處繫或不繫是則說生時若成就眼界亦成就色界耶答曰成就眼界亦成就色界頗成就色界非成就眼界耶答曰有生欲界若不得眼界設得

便失廣說如根健度若成就眼界亦成就眼識界耶答曰或成就眼界不成就眼識界乃至廣作四句成就眼界不成就眼識界者生第二第三第四禪眼識不現在前成就眼識界不成就眼界者生欲界不得眼界設得便失成就眼界亦成就眼識界者生無色界若成就色界亦成就眼識界耶答曰若成就眼識界現在前不成就眼界亦不成就眼識界耶答曰有生第二第三第四禪眼識不現在前若不成就眼

界亦不成就色界耶答曰若不成就色界亦不成就
眼界頗不成就眼界非不成就色界耶答曰有生欲
界不得眼界設得便失若不成就眼界亦不成就眼
識界耶答曰若不成就眼界非不成就眼識界乃至
廣作四句不成就眼界非不成就眼識界者生欲界
不得眼界設得便失不成就眼界非不成就眼識界乃至
廣作四句不成就眼界非不成就眼識界者生欲界
不得眼界設得便失不成就眼界非不成就眼識界者
生第二第三第四禪眼識不現在前俱不成就者
生色無色界俱非不成就者生欲界得眼界不失若
生初禪第二第三第四禪眼識現在前若不成就色
界亦不成就眼識界耶答曰若不成就色界亦不成

就眼識界頗不成就眼識界非不成就色界耶答曰
有生第二第三第四禪眼識不現在前若成就眼界
得不成就色界亦爾耶答曰或成就眼界得不成就
非色界乃至廣作四句成就眼界得不成就非色界
者生欲界失眼界成就色界得不成就非眼界者生
欲界無眼界命終生無色界俱成就得不成就者生
欲界有眼界命終生無色界若色界命終生無色界
俱不成就不得不成就者除上爾所事若成就眼界
得不成就眼識界亦爾耶乃至廣作四句成就眼界
得不成就非眼識界者若欲界失眼界第二第三第

四禪命終生無色界成就眼識界得不成就非眼界

者欲界無眼界命終生無色界若第二第三第四禪

眼識現在前而滅者俱成就得不成就者欲界有眼

界

界命終生無色界若初禪命終生無色界俱不成就
不得不成就者除上爾所事若成就色界得不成就
眼識界亦爾耶乃至廣作四句成就色界得不成就
非眼識界者第二第三第四禪命終生無色界成就
眼識界得不成就者欲界初禪命終生
現在前滅者俱成就得不成就者欲界初禪命終生
無色界俱不成就得不成就者除上爾所事若不

成就眼界得成就色界亦爾耶答曰有若不成就色
界得成就眼界亦爾頗不成就眼界得成就非色界
耶答曰有生欲界次第得眼界若不成就眼界得成
就眼識界亦爾耶乃至廣作四句不成就眼界得成
就非眼識界亦爾耶乃至廣作四句不成就眼界得成
就無色界者無色界命終生第二第三第四禪生
欲界次第得眼界不成就眼識界得成就非眼界者
生第二第三第四禪眼識現在前俱不成就得成就
者無色界命終生欲界初禪非俱不成就得成就者
除上爾所事若不成就色界得成就眼識界亦爾耶
乃至廣作四句不成就色界得成就非眼識界者無

色界命終生第二第三第四禪不成就眼識界得成
就非色界者生第二第三第四禪眼識現在前俱不
成就得成就者無色界命終生欲界初禪非俱不成
就得成就者除上爾所事如說眼界色界眼識界乃
至意界法界意識界亦應隨相說是則說相似者如
眼色眼識界於餘不相似作五三句耳聲耳識界作
四三句鼻香鼻識界作三三句舌味舌識界作二三
句身觸身識界作一三句也

阿毗曇毗婆沙論卷第五十六

金壇居士于玉德施資刻此
附毘曇毘婆沙論第五十六卷計字五千五百
二十七個該銀二兩四錢八分七厘
崇禎壬申歲孟秋月金沙顧龍山識

9 10 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

部

阿毗曇毗婆沙論卷第五十七

主

五十六

阿毗曇毗婆沙論卷第五十七

迦旃延子造

北涼沙門浮陀跋摩共道泰譯

使犍度十門品第四之四

十二入眼入乃至法入問曰何故作此論答曰此是佛經佛經說生聞婆羅門往詣佛所到已而共世尊種種語論問訊已在一面坐爾時生聞婆羅門白佛言世尊說一切者多一切有幾種沙門瞿曇爲施設何一切耶佛告婆羅門我施設一切者謂眼入乃至法入是名一切如來說如是法名一切婆羅門若有

9 10 11 12 13 14 15 16 17 18 19 180 1 2 3 4 5 6 7 8 9 190 1 2 3 4 5 6 7 8 9

作是說我能遮止沙門瞿曇所說一切更說餘一切者但有是語而無有實若還問者反生疑惑所以者何非境界故佛經雖作是說而不廣分別佛經是此論所爲根本彼中諸不說者今欲廣說故而作此論問曰若作是說有說一切者謂十八界有說一切者謂五陰及無爲法有說一切者謂四諦及虛空非數滅有說一切者謂名色如是等所說皆但有是語而無有實若還問者反生疑惑非其境界耶答曰此中遮義不遮於文若作是說一切法性十二入攝若更有說餘法非十二入攝者如是說者但有是語空無

有實乃至廣說說十二入是勝說妙說最上說問曰說十二入何故名勝說妙說最上說耶答曰說入是中說能攝一切法說界雖能攝一切法而是廣說說陰不攝一切法唯攝有爲法不攝無爲法而是略說說入是中說亦攝一切法若欲觀一切法者當以入門若以入門觀者便生十二智光現十二義像如人瑩磨十二明鏡在其中立有十二像現彼亦如是一身有十二入可得問曰若一身有十二入可得者云何說有十二入耶答曰以所作異故雖一身中十二人可得然十二入所作各異譬如一屋有十二工巧

9 10 11 12 13 14 15 16 17 18 19 180 190

經

所傳聖教真義卷五十七

二十一

西七

人居雖同居一屋而所作有十二種彼亦如是復次以二事故立十二入一以所依二以所緣復次以三事故立十二入一以自體二以所依三以所緣自體者謂眼入乃至法入所依者六所依謂眼乃至意所緣者六所緣色乃至法此是入體性乃至廣說已說體性所以今當說何故名入入是何義答曰輸門義是入義輸道義是入義藏義是入義倉義是入義經義是入義殺處義是入義田義是入義泉義是入義流義是入義海義是入義白義是入義淨義是入義輸門義是入義者猶如城中及與村落所輸之物衆

生得已長養於身如是以所依及所緣故令心長養輸道義亦如是藏義是入義者猶如藏中有金等寶物可取如是以所依及所緣故有心心數法等可取倉義是入義者猶如倉中有麥等種種子實可取如是以所依及所緣故有心心數法等可取經義是入義者猶如織機經縷在於處處如是以所依及所緣故心心數法在於處處殺處義是入義者猶如殺處斷百千衆生頭在地如是以所依及所緣故令心心數法爲無常滅所滅田義是入義者猶如田中有種種苗稼可取如是以所依及所緣故有種種心心數

法可取泉義是入義者如偈說

佛處泉水生 何處道不通 世間諸苦樂

何處得滅盡

佛作是說

眼耳及與鼻

舌身及與意

此處盡名色

能令無有餘

是處能生泉水乃至廣說流義是入義者如偈說

一切皆流出 以何制此流 以何爲流戒

令流止不出

佛作是說

世間所有流 當以正念制 亦名爲流戒

慧令流不出

海義是入義者如經說比丘當知眼是大海色是濤
波若恐受色濤波者是入能廣度眼海得免洄渾羅
刹等難乃至意說亦如是白義是入義者以淨故名
白亦名爲淨是故輸門義是入義乃至廣說外道書
說入名部那天竺音部那名爲人作名爲作也亦如彼摩捷提楚志
作如是說沙門瞿曇心無部那而不受我女已總說
諸入所以今當一一別說其體云何眼入答曰若眼
已見色今見色當見色及餘彼分眼入已見色是過

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

四

經

阿彌陀經疏卷五十一

四

西

六今見色是現在當見色是未來及餘彼分眼入廣說如界處乃至意入說亦如是云何色入答曰若色入已爲眼所見今爲眼所見當爲眼所見廣說如界處問曰十色入皆體是色何故說一入名色不說餘耶答曰以此一入是麤了了現見法復次此入是二眼境界謂肉眼天眼復次此入是三眼境界謂肉眼天眼慧眼復次此入是二入境界爲眼識所緣是故尊者瞿沙作如是說是二眼境界爲眼識所緣是故此入名爲色入非餘復次此入施設有麤細長短在此彼故復次此入是大障礙故復次此入可種可

生可長外物可種者是種子時可生者是萌芽時可長者是莖葉莖果時內物可種者是迦羅羅時可生者是安浮陀時可長者是單戶健男婆羅奢法時復次方體是色以色故施設諸方復次由旬體是色以色故施設由旬復次此入能覆餘入猶如巾帽故名色入復次若說二十種二十一種是名色入餘色入不爾聲香味入廣說如界處問曰觸入爲可觸故是觸入爲體是觸故是觸入爲觸所緣故是觸入耶若可觸是觸入者微塵不能觸微塵若體是觸名觸入者體是四大造色非是觸體若爲觸所緣名觸入者

9 10 11 12 13 14 15 16 17 18 19 180 1 2 3 4 5 6 7 8 9 190 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

亦爲餘數法所緣答曰應作是說可觸故名觸入問曰若然者微塵不能觸微塵答曰此是世俗言說世俗作如是說眼所更事名見耳所更事名聞鼻所更事名艱舌所更事名嘗身所更事名觸復次以緣身緣觸故生身識生彼能緣實義身識故名觸尊者佛陀提婆說曰應言無觸所以者何合聚無間色觸時假名爲觸無實義觸復次能生餘入增長餘入故名觸入云何法入若法已爲意所知今爲意所知當爲意所知廣說如界處問曰十二入體性是法何故說一入名法非餘入耶答曰雖十二入體性是法然法

入應名爲法所以者何如十八界雖體性是法獨法界名法如十智雖體性是法獨法智名法七覺支雖體性是法擇法覺支名法六念念法名法四念處法念處名法四不壞淨於法不壞名法四無礙法無礙名法三歸三寶法歸法寶名法復次餘入有二名此唯有一名復次餘入是不共名此入是共名以共爲名復次能生一切諸法生在彼中故名法入復次一切諸法印封相生老無常在彼中故名法入復次以名顯明諸法名在彼中故名法入復次諸法來處說名法入如風來處名爲風孔彼亦如是復次能解空

9 10 11 12 13 14 15 16 17 18 19

180

190

1 2 3 4 5 6 7 8 9

經一

阿彌陀佛說法卷五十一

九

西一

法在彼中故名法入問曰若然者能計我法亦在彼
中可言我入耶答曰計我非實解空是實復次第一
實法謂常住不變不爲生老死所壞滅盡涅槃在彼
中故名法入復次能分別總相別相除物體愚及除
緣中愚不取虛相慧在彼中故名法入復次彼中有
多法故名法入多法者謂色無色法相應不相應法
有依無依法有行無行法有緣無緣法有勢用法無
勢用法已別說諸入一一體今當求其次第何故世
尊於內入中先說眼入乃至意入外入中先說色入
乃至法入答曰欲令文義隨順故復次欲令說者隨
乃至法入答曰欲令文義隨順故復次欲令說者隨

順受持者亦隨順故復次以有麤細故內六入中眼
入麤故先說意入細故後說外六入中色入麤故先
說法入細故後說問曰云何立內六入外六入爲以
入故爲以法故若以法者一切諸法無有欲心云何
立内外若以入者如實義中畢竟無入若無入者云
何有内外答曰應作是說以識法故立内外入非一
切法若法能與六識作所依是內入作所緣是外入
復次根者是內入根義是外入所境界境界亦爾然
此内外法不定若我內入是他外入若他內入是我
外入佛經說此六入當知是內法問曰如一切法當

9 10 11 12 13 14 15 16 17 18 19 180 1 2 3 4 5 6 7 8 9 190 1 2 3 4 5 6 7 8 9 180 1 2 3 4 5 6 7 8 9 190

知皆是內法何故獨說六入是內法耶答曰世尊欲教諸弟子於內法行禪故如說觀察內根心不外緣復次欲教諸弟子不行虛妄禪故如說汝等不應行虛妄禪計常樂我淨應行不虛妄禪計無常無我無樂無淨計因集有緣當以是八聖行觀察於有復次欲教諸弟子行不共禪故如說汝等不應行共禪法觀麤觀苦觀麤壞觀止妙離應行不共禪法應觀如病如癰如箭入身常是過患無常苦空無我當以此八法觀察於有復次此經說觀察內法若於內法計有我便計我所計已便計已所於我有愛於我所亦

有愛若見有我亦見我所爲長養內我故求外所須物佛經說六觸入當知是內法問曰六入六觸入有何差別答曰或有說者無有差別若說六觸入若說六入名雖有異無差別義復有說者名即差別是名觸入是名六入復次若有所作是名觸入若無所作是名六入若是說現在者是觸入過去未來者是六入復次若已生六入是觸入若未生六入是六入若作是說過去現在是觸入未來是六入復次若爲觸作依是名觸入若爲數法作依名六入復次若爲心心數法作依是名觸入若空不爲心心數法作依

9

1 2 3 4 5 6 7 8 9 180 1 2 3 4 5

4

6 7 8 9 190 1 2 3 4 5

6 7 8 9 200 1 2 3 4 5

6

7 8 9

是名六入尊者波奢說曰體是六入若爲觸作依名六觸入如鉢體性是鉢比丘用故名比丘鉢彼亦如是尊者富那奢說曰體性入是六入所作入是六觸入猶如鐵鉢體性是鐵以盛酥故名盛酥鐵鉢問曰此亦是六受入六想六思等入何故獨說六觸入耶答曰應說六受入乃至六思等入而不說者當知此說有餘復次以觸名義勝故若說六觸入當知亦說六受入乃至六思等入復次觸是心心數法令心心數法皆從觸生以觸力故而現在前是故說名觸入佛經說內六入是此岸外六入是彼岸問曰佛說此

岸彼岸爲以何法答曰以近遠法故如河於人近者是此岸遠者是彼岸如是心心數法近者是所依遠者是所緣復次如初入已度法故如人初入河處是此岸已度處是彼岸如是心心數法初入如所依已度如所緣復次滅盡涅槃是彼岸彼法外入所攝以攝彼法故外入名彼岸佛經說身見是此岸身見滅是彼岸問曰此中何者是河答曰心心數法是如河所攝衆生心心數法皆漂入生死大海如是所依所緣所攝衆生心心數法皆漂入生死大海佛經說有八勝處十一切處問曰此亦是入何故但說十二入耶答

170 1 2 3 4 5 6 7 8 9 180 1 2 3 4 5 6 7 8 9

190 1

1 2 3 4 5 6 7 8 9

曰彼亦在此十二入中彼相應共有法當知皆是意
入法入佛經說四無色定是處如空處乃至非想非
非想處問曰何故世尊說四無色定是處耶答曰欲
異外道故外道計彼是四種解脫一無身二無邊意
三淨聚四世塔無身者是空處無邊意者是識處淨
聚者是無所有處世塔者是非想非非想處爲異外
道故作如是說此是生處非是解脫佛經說二處一
無想衆生處二非想非非想衆生處問曰何故佛經
說此二處名處答曰佛欲異外道故外道計此二處
是解脫佛說此是生處非解脫復次此處是退還法

而外道計是解脫佛說此處是衆生退還處還生諸
界諸生諸趣中故復次此是散法而外道計是解脫
佛說此二處是散法衆生於此處散在諸界諸生諸
趣中無想衆生散在欲界非想非非想處衆生散在
下地復次壽命長遠故外道計是解脫一切凡夫受
身處壽命長遠莫若無想處壽五百大劫一切生處
壽命長遠莫若非想非非想處壽八萬大劫佛作是
說此是受生處非是解脫復次佛說餘處有二名一
是衆生居二是識住亦以二種名說此二處一名衆
生居二名處復次衆生居佛說是識住若是衆生居

9 1 2 3 4 5 6 7 8 9 180 1 2 3 4 5

190 1 2 3 4 5 6 7 8 9 180 1 2 3 4 5

非識住佛說是處如經說尊者舍利弗往詣佛所作
如是說世尊說入爲無有上所言一切謂十二入世
尊知此法更無有餘世尊無餘之智更無有上無有
沙門婆羅門等覺所知過世尊者問曰尊者舍利弗
云何能知所言一切謂十二入答曰從佛聞故能知
是法佛經所言一切謂十二入尊者舍利弗得不壞
信於佛所說生尊重信問曰尊者舍利弗從他聞故
能知是法非自現智耶答曰亦自有現智能知所以
者何尊者舍利弗於十二入亦能一一知見問曰世
尊於十二入一一知見尊者舍利弗於十二入亦一

一知見世尊尊者舍利弗所知有何差別答曰世尊
一一知見十二入亦以總相亦以別相尊者舍利弗
一一知見十二入但以總相不能別相所以者何更
有無量入義在十二入中尊者舍利弗須他顯示然
後乃知復次尊者舍利弗一一知見十二入從他聞
故知世尊所知獨覺無師復次世尊有一切智一切
種智尊者舍利弗有一切智無一切種智復次尊者
舍利弗以識身故知尊者舍利弗作是念言一切者
謂六識所依及緣復次尊者舍利弗以所說無餘故
知佛說十二入眼入乃至意入最後說法入尊者舍

9 10 11 12 13 14 15 16 17 18 19

180

190

1 2 3 4 5 6 7 8 9

利弗作如是念諸法十一入中所不稱說者應盡在法入中是故以所說無餘故知五陰色陰乃至識陰問曰何故作此論答曰此是佛經佛經說五陰乃至廣說佛經雖說五陰而不廣分別佛經是此論所爲根本今欲廣分別故而作此論云何色陰佛經說諸所有色盡是四大及四大造餘經復說云何色陰諸所有色過去未來現在若內若外若麤若細若惡若好若遠若近如是等總名色陰乃至識說亦如是阿毗曇著作如是說云何色陰謂十色入及法入中色是名色陰此三說有何差別答曰各各皆止他義問

曰如經說諸所有色皆是四大及四大造此中爲止何等他義答曰佛爲未來世故作是說佛知未來世中當有作是說者四大之外更無造色如佛陀提婆等爲止如是說者意故經作是說諸所有色盡是四大及四大造如說諸所有色過去未來現在若內若外乃至廣說此中爲止何等他義答曰時世有梵志名罕羅尸佞性不說有過去未來世尊爲止彼人意故作如是說諸所有色過去未來現在若內若外乃至廣說如說云何色陰謂十色入及法入中色此中爲止何等他義答曰爲止譬喻者意故譬喻者不說法

入有色是故尊者達磨多羅作如是說諸所有色盡五識所依五識所緣云何名爲色非五識所依五識所緣爲止如是說者意故彼尊者造阿毗曇論作如是說云何色陰謂十色入及法入中色問曰若法入中色有實體相者尊者達磨多羅所說云何通答曰可作是說諸所有色盡五識所依六識所緣法入中色雖不爲五識所依五識所緣而爲意識所緣復次法入中色雖非五識所緣彼所依是身識所緣誰是彼所依謂四大是云何受陰謂六受身眼觸生受耳鼻舌身意觸生受如佛經說阿毗曇說亦爾云何想

陰謂六想身眼觸生想耳鼻舌身意觸生想如佛經說阿毗曇說亦爾云何行陰答曰佛經說謂六思身眼觸生思耳鼻舌身意觸生思阿毗曇著作如是說行陰或相應或不相應乃至廣說問曰世尊何故諸相應不相應行陰但說思是行陰非餘相應不相應法耶答曰以思長養行勝是故世尊說思是行如愛長養於集勝是故世尊一切有漏中說愛是集彼亦如是復次造作義是行義思體造作云何識陰謂六識身眼識身乃至意識身如經所說阿毗曇說亦爾此是陰體乃至廣說已說體相所以今當說何故名

9

1

2

3

4

5

6

7

8

9

180

1

2

3

4

5

6

7

8

9

陰陰是何義答曰聚義是陰義略義是陰義積義是陰義總義是陰義若施設世即是施設陰若說多語陰是多語聚義是陰義者諸所有色過去未來現在若內若外乃至廣說盡聚爲色陰乃至識陰亦爾略義說亦如是積義是陰義者如種種雜物合爲一積如是種種諸色合爲色陰乃至識陰亦爾總義是陰義者諸所有色過去未來現在若內若外乃至廣說如是等色總名色陰乃至識陰亦爾問曰過去未來現在色可合聚不答曰可能合聚其名不合聚其體乃至識亦如是施設世即是施設陰者如色陰施設有三世乃至識陰亦爾多語是陰語者如多財名_上陰多穀名穀陰多軍名軍陰如是億萬那由他極遠多色總爲色陰乃至識陰亦爾問曰一微塵可立色陰不耶答曰或有說不可立若欲立者必須積聚復有說者可立以相故立若一微塵不名陰者衆多合聚亦不名陰阿毗曇著作如是說一微塵不以陰故是一界一入一陰所攝若以陰者是一界一入一陰少分如人於穀聚上取一粒穀他人問言汝取何等彼人若不以穀聚者言我取一粒穀若以穀聚者言我取聚穀一粒穀已總說陰所以今當求其次第世

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39

180 190

經

西門法華經卷第十一

十一

西

尊何故先說色陰後說乃至識陰答曰欲令文義隨順故復次欲令說者隨順受持者亦隨順故復次以麤細故五陰中色陰麤故先說四無色陰中受陰麤故次色陰說問曰如受非色不住方所云何施設有麤細耶答曰以所行故如世人言我手受苦樂頭足身諸分等皆受苦樂如是等說色受亦爾想轉細於受次受說想行轉細於想次想說行識最細在後說問曰如五陰是作相作是行陰世尊何故一陰說名行陰餘不說耶答曰雖五陰盡是作相而行陰得名行如十八界雖體盡是法而法界得名法乃至三寶三歸雖體是法而法寶法歸得名爲法如是五陰雖體是行而行得名復次此陰有一名餘陰有二名復次此陰是共名餘陰是共不共名以不共名說復次以能生一切諸法生在彼中故名行陰復次一切諸法印封相生老無常在彼中故名行陰復次以名顯明諸法名在彼中故名行陰復次能解空法在彼中故名行陰問曰若然者能計我法亦在彼中可言我陰耶答曰計我非實解空是實復次能分別總相別相除物體愚及緣中愚不取虛相慧在彼中故名行陰復次彼中有多少法故名行陰多法者相應不相應

9 10 11 12 13 14 15 16 17 18 19 20 21 22 23 24 25 26 27 28 29

180

190

總

西明山藏經卷五十七

廿五

西七

法有依無依法有行無行法有緣無緣法有勢用無勢用法問曰何故諸心心數法中說想受獨立爲陰餘心數法立行陰尊者婆奢說曰世尊決定知法相亦知勢用餘人不能知若法堪任獨立陰者便立不堪任者合集乃立復次欲以種種說種種文莊嚴於義義若以種種說種種文莊嚴於現二門二略二入乃至廣說復次此現門現略現始入所有心數法若根性若非根性若說受當知已說根性若說想當知已說非根性如根性非根性明非明有威勢無威勢有力無力當知亦如是復次以此

二法故色無色界有差別以受故說色界差別以想故說無色界差別復次行者以此二法故於二界中極生苦惱以受故於色界中極生苦惱以想故於無色界中極生苦惱復次以貪樂受深著顛倒想故衆生於生死中受大苦惱復次以此二法是鬪諍根本受是愛鬪諍根本想是見鬪諍根本如二鬪諍根本二煩惱二邊二箭二戲論二見當知亦如是復次以此二法獨受識住名餘數法在行陰中受識住名復次行者憎惡此二法故入滅盡定如施設經說以何方便得滅盡定云何修方便得滅盡定答曰彼初行

9 10 1 2 3 4 5 6 7 8 9

180

190

1 2 3 4 5 6 7 8 9

經

高僧傳記卷五十七

世

山西

者作如是念云何令我不思諸行令想受不生生者便滅若想受不生生者便滅是名滅定

阿毗曇毗婆沙論卷第五十七

音釋

瑩鳥定切 雜於容切 積子智切

潔也

腫也

聚也

金壇居士于玉德施資刻此
阿毘曇毘婆沙論第五十七卷計字六千一百
五十九個該銀二兩七錢四分九厘
崇禎壬申歲孟秋月金沙顧龍山識

阿毗曇毗婆沙論卷第五十八

迦旃延造

北涼沙門浮陀跋摩共道泰譯

使犍度十門品第四之五

問曰無爲法何故不立陰耶答曰無陰相故不立陰復次以是陰究竟處故不立陰如瓶衣究竟處不名瓶衣彼亦如是復次若法是生滅有因有緣有爲相者立陰無爲法無生滅無因無有爲相故不立陰復次若法屬因屬緣屬和合作者立陰無爲法不屬因不屬緣不屬和合作故不立陰復次若法隨世行能

經

高僧傳記卷五十七

世

山西

1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180

取聖果能有所作能知緣者立陰無爲法與上相違故不立陰復次陰隨世行無爲法不隨世行陰與苦相續無爲法不與苦相續陰有前後無爲法無前後陰有上中下無爲法無上中下復次無爲體非是色亦不名色乃至體非是識亦不名識復次從他生故立陰無爲法不從他生故不立陰無爲法以如是等事故不立陰世尊經說五陰戒陰定陰慧陰解脫陰解脫知見陰問曰如是則有十陰何故說五陰耶答曰此後五陰卽在前五陰中戒陰在色陰中餘四陰在行陰中是故說五經中復說尊者阿難作如是言

我從佛邊受八萬法陰從比丘邊受二萬法陰問曰有如是等多陰世尊何故說五陰耶答曰雖有如是多陰亦在五陰中或有說佛語體是口業或有說體是名若說體是口業者是色陰攝若說體是名者是行陰攝是故在五陰中問曰法陰齊量爲幾許答曰或有說者如法陰論所說六千偈是一法陰齊量餘一法陰亦爾復有說者如世尊種種言辭說四念處是一法陰齊量四正斷四如意足五根五力七覺八道種亦如是尊者瞿沙說曰五十萬五千五百五十偈是一法陰齊量評曰應作是說衆生行有八萬佛說

9 10 11 12 13 14 15 16 17 18 19 180 1 2 3 4 5 6 7 8 9 190 1 2 3 4 5 6 7 8 9

經

阿彌陀經疏卷五

西八

對治法亦有八萬受化者入佛法中以八萬法即是八萬法陰五取陰色取陰受想行識取陰問曰何故作此論答曰此是佛經佛經說五取陰乃至廣說佛經雖說五取陰而不廣分別今欲廣分別故而作此論云何色取陰答曰若色是有漏是取彼色在過去未來現在若緣彼生欲生愛生恚生恚生怖生如是等心煩惱法生欲生愛者是渴愛生恚者是恚生恚者是無明生怖者或有說者不應作是說所以者何先所說煩惱性卽是怖故問曰若然者怖體性是何答曰或有說者是身見性所以者何衆生計我者常

怖若說身見當知已說怖復有說者體性是愛所以者何行愛者常怖故若說愛當知已說怖復有說者體性是無明所以者何癡者常怖故若說癡當知已說怖許曰應說怖所以者何怖體性異怖是心數法與心相應在如是法中如是等諸餘法是名心數法問曰何處有此怖答曰在欲界非色無色界問曰若色界無怖者佛經云何通如說比丘當知先生光音衆生見後生者心生恐怖而慰勞言大仙莫怖我等數數會見燒諸梵宮於彼卽滅偈義云何通如偈說聞諸長壽天有妙色名譽心懷恐怖惱

經

如鹿畏師子

答曰此中說厭離是怖問曰厭離怖畏有何差別答曰名卽差別是名厭離是名怖畏尊者和須密說曰若在欲界名怖若在色界名厭離煩惱中間生者是怖善根中間生者是厭離尊者佛陀提婆說曰於無利事生疑欲得遠離是怖已得遠離心猶生動是厭離怖與厭離是謂差別問曰誰有此怖爲是凡夫爲是聖人答曰或有說者是凡夫非是聖人所以者何聖人已離五恐怖故五恐怖者一不活怖二惡名怖三大衆怖四死怖五惡道怖評曰應作是說凡夫亦

怖聖人亦怖問曰聖人非已離五恐怖耶答曰雖無如是等怖有須臾怖問曰何等聖人有怖畏耶爲學人爲無學人答曰亦學人亦無學人學人者須臾洹斯陀含阿那含無學人者阿羅漢辟支佛唯除佛世尊所以者何世尊無有恐怖疑慮毛豎如是等心煩惱法者謂緣彼色一切徧使及修道所斷云何受取陰答曰若受是有漏是取廣說如色陰此中差別者謂緣彼受一切徧非一切徧使如受想行識說亦如是此是取陰體乃至廣說已說體性所以今當說何故名取陰取陰是何義答曰從取生故名取陰能生

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

取故名取陰復次從取轉故名取陰能轉取故名取陰復次能從取受故名取陰能受取故名取陰復次從取長故名取陰能長取故名取陰復次從取廣故名取陰能廣取故名取陰復次屬取故名取陰如人屬王名爲王人彼亦如是中無有我若入問陰汝屬誰耶陰應答言我屬於取復次取於陰中生時生住時住使時使而不衰損是名取陰復次取於陰中生長增廣故是名取陰復次取於陰中增長饒益故名取陰復次取於陰中生於食著猶如塵垢是名取陰復次取於陰中心生樂著如魚等樂水故名取陰復

次取是陰屋舍立處故名取陰依此陰故生愛見慢無明癡恚諸煩惱及垢與取相似故彼名取陰如欲界取名欲界取陰色界取名色界取陰無色界取名無色界取陰不壞於界不壞於他而壞於身以我取故他陰名取陰以他取故我陰名取陰若不壞身者則一切外物不名取陰所以者何彼外物中無取陰故問曰陰取陰有何差別答曰名卽差別此是陰此是取陰復次陰是有漏無漏取陰是有漏復次陰攝三諦取陰攝二諦復次陰受呵責時增長人受呵責讚歎時寂靜人受讚歎取陰唯受呵責時增長人受

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

180 190 200

190 200

190 200

阿責陰取陰是謂差別六界地界水界火界風界虛空界識界問曰何故尊者迦旃延子因六界而作論答曰彼尊者有如是欲如是意隨其欲意而作論亦不違法相彼意欲因六界而作論便因六界而作論復次不應求彼尊者何故因六界而立論所以者何此是佛經佛經說十八界佛於十八界中說六界六界攝十八界五界及四界少分攝五界者謂眼識界耳鼻舌身識界四界少分者色界觸界意界意識界虛空界攝色界少分地水火風界攝觸界少分識界攝意界意識界少分云何此二少分答曰此二界有

漏無漏攝有漏不攝無漏是故攝少分五界及四界少分攝六界問曰佛何故於十八界中說六界答曰爲受化者受化者於智境界或有全愚或有少分愚若少分愚者爲說六界全愚者爲說十八界復次受佛化者根有利鈍利根者爲說六界鈍根者爲說十八界復次受佛化者或有疾有遲疾者爲說六界遲者爲說十八界復次受佛化者或有喜略或有喜廣喜略者爲說六界喜廣者爲說十八界復次欲現問故諸所有界若是色性若非色性若說五界當知已說色性諸界若說識界當知已說無色性諸界如色

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

180 190 200 210 220 230 240 250 260 270 280 290 300 310 320 330 340 350 360 370 380 390 400 410 420 430 440 450 460 470 480 490 500 510 520 530 540 550 560 570 580 590 600 610 620 630 640 650 660 670 680 690 700 710 720 730 740 750 760 770 780 790 800 810 820 830 840 850 860 870 880 890 900 910 920 930 940 950 960 970 980 990 1000

無色可見不可見有對無對相應不相應有依無依
 有行無行有勢用無勢用有緣無緣當知亦如是復
 次六界能生養長色無色身生者是識界養者是地
 水火風界長者是虛空界復次此六界能取持增長
 色無色身取者是識界持者是地水火風界增長者
 是虛空界復次此六界是衆生根本是一切處衆生
 根本是無始已來衆生根本是有所分別無所分別
 衆生根本衆生根本者欲色界衆生從生有乃至死
 有此六界無有無勢用時一切處衆生根本者無有
 欲色界衆生從生有乃至死有此六界無有無勢用

時無始已來衆生根本者衆生無有前際無有衆生
 從生有乃至死有此六界無有無勢用時有所分別
 無所分別衆生根本者衆生可分別是男是女如波
 羅奢佞性此六界亦有勢用衆生不可分別是男是
 女如迦羅羅安浮陀單戶健男時此六界亦有勢用
 尊者瞿沙說曰緣此六界故得入母胎以如是等事
 故於十八界中說六界云何地界答曰堅總而言之
 是堅而堅無量差別內法中堅異外法中堅異內法
 中堅異者謂髮毛爪齒薄皮厚皮膚肉筋脈骨心脾
 腎肝肺生藏熟藏胃屎手足等諸身分堅內法分中

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

足堅勝手堅所以者何足行衆生若當以手行者手所有筋血肉則速壞盡如是等身分衆生各自有勝外法中堅異者謂地山大石小石樹木銅鐵白鑽鉛錫金銀瑠璃碑磲碼硝珂貝等諸物如是等內外諸堅總爲堅相云何水界答曰濕總而言之是濕而濕無量差別內法濕異外法濕異內法中濕者謂淚汗淚唾肪髓涎膽膿血腦疾瘻尿如是等內濕外法中濕者謂泉池河四海水輪等諸濕如是等内外諸濕總名水界云何火界答曰熱總而言之是熱而熱無量差別內法中熱異外法中熱異內法中熱者能令

此身煖所食飲食能令消熱使身安隱若增長時名爲熱病外法中熱者如炬燈燭火燒城燒村火摩尼珠火藥草火日光明火諸天宮光明火波多羅火等或有說內法火熱非外法火所以者何若以飲食著銅鐵釜中然於猛火不能令其色變如腹中食如是等内外法中熱總名火界云何風界答曰輕動總而言之是輕動而輕動相無量差別內法中輕動異外法中輕動異內法中輕動者如上向風下向風住脅風住腹風住背風如針刺風如截刀風臍風出入息風諸支節風等外法中風者如四方風有塵風無塵

風徧風不徧風小風大風毗嵐風風輪等風如是等
内外諸風總名風界云何虛空界答曰佛經說眼中
間空耳中間空鼻中間空口中間空咽喉中間空心
中間空心邊空飲食入處住處所食飲食下向在處
是名虛空界阿毗曇者作如是說云何虛空界積聚
色邊色積聚色邊色者如牆壁邊樹木邊窓向中行
來處指中間色復有說者此文應如是說云何虛空
界答曰不可却色邊色色有二種有可却不可却可
却色是衆生數不可却者是非衆生數此虛空界是
不可却色邊色謂牆壁邊樹中間葉中間窓向行來

處邊色舊阿毗曇罽賓沙門作如是說骨亦有虛空
界筋肉血皮晝夜明闇形色亦有虛空界問曰緣彼
眼識爲生不答曰或有說者不生所以者何以能緣
故名緣彼識不以生故復有說者生問曰何故不了了
現耶答曰晝爲明所覆夜爲闇所覆故不了了現
問曰虛空虛空界有何差別答曰虛空非色虛空界
是色虛空不可見虛空界是可見虛空無對虛空界
是有對虛空是無爲虛空界是有爲問曰若虛空是
無爲者佛經云何通佛經說如來以手摩虛空諸比
丘世尊以手摩無爲法耶答曰此中說虛空界是虛

9 10 11 12 13 14 15 16 17 18 19 180 1 2 3 4 5 6 7 8 9 190 1 2 3 4 5 6 7 8 9

空如餘經說比丘當知若畫師若畫師弟子作如是言我能够以種種雜色畫虛空中乃至廣說此中說虛空界是虛空如偈說

麋鹿歸林 烏歸虛空 法歸分別 羅漢歸滅

此中亦說虛空界是虛空又如偈說

虛空無有跡 外道無沙門 愚小有戲論

如來則無有

此中亦說虛空界是虛空餘處亦問虛空而答虛空界如波伽羅那說云何爲虛空答曰爲虛空不障礙色令色周徧問曰何故問虛空而答虛空界答曰虛

空界麤虛空細欲以麁法顯細法故問曰何以知有虛空耶尊者和須密答曰佛說故知有虛空問曰聞他說故知有虛空非已現智知答曰亦已現智知若無虛空者則無容受物處以有容受物處知有虛空以有礙無礙處故知有虛空復次以有障礙無障礙故知有虛空若有障礙處則非是虛空若無障礙處則是虛空尊者佛陀提婆說曰虛空不可知非可知法故所以者何空非色非無色非彼非此所言虛空者是世俗假名分別耳問曰虛空何所作答曰虛空無爲無所作與種種虛空界作近威勢緣種種虛空

9

100 1 2 3 4 5 6 7 8 9

1

100 1 2 3 4 5 6 7 8 9

100

1

100 1 2 3 4 5 6 7 8 9

9

界與四大作近威勢緣四大與有對造色作近威勢
 緣有對造色與心心數法作近威勢緣壞如是等展
 轉次第法言無虛空然虛空實有體相云何識界答
 曰五識身及有漏意識問曰何故界中不說無漏意
 識答曰若法能令有增長者立界無漏識與此相違
 故不立界復次若法能令有相續增長生老病死者
 立界無漏意識與此相違故不立界復次若法是苦
 集道是有生老病死道者立界無漏意識與此相違
 故不立界復次若法體是身見顛倒是愛是使爲貪
 惠癡作立足處有若雜毒刺濁墮有墮苦集諦者立
 界無漏識與此相違故不立界尊者和須密說曰以
 何等故無漏識不立界答曰此界從有漏生有漏識
 不從有漏生復次此界能生有漏無漏識不生有漏
 復次計我者於界中計我無有於無漏識中計我者
 復次六界假名是人無漏識不假名是人復次界名
 有報法無漏識不名有報法復次緣是界故而入母
 胎不緣無漏識而入母胎復次此六界是無始法無
 漏識非無始法尊者佛陀提婆說曰此六界是身分
 無漏識非身分問曰陰取陰界此三有何差別答曰
 名卽差別是名爲陰是名爲取陰是名爲界復次施

設有爲是陰施設有漏是取陰施設衆生是界復次所作勝是陰增長所作勝是取陰生相續勝是界陰取陰界是謂差別

二法色法無色法問曰何故作此論答曰爲止人見爲顯智希有故止人見者此色無色法畢竟無人爲顯智希有者爲聰明有智人以此二法解了諸法所以者何此二法能攝一切法故以是事故而作此論云何色法答曰十入一入少分十入者眼耳鼻舌身色聲香味觸一入少分者謂法入云何無色法答曰一入謂意入一入少分謂法入問曰云何名色法云

何名無色法答曰若法名是色體是色是色若法名非色體非色是無色復次若法體是四大及四大造是色若法體非四大非四大造是無色復次若四大爲因體是造色者是色若法不以四大爲因體非四大造者是無色復次若法可生生增長是色與此相違是無色尊者和須密說曰此中何者是色相答曰漸次來義是色相漸次壞義是色相有方所義是色相障礙義是色相如與怨俱行常有折減義是色相復次有三義是色相有色可見有對有色不可見有對有色不可見無對可取捨相義是色相復次礙義

9 10 11 12 13 14 15 16 17 18 19

180

190

1 2 3 4 5 6 7 8 9

190

1 2 3 4 5 6 7 8 9

經

問法身論第十一

十一

西川

是色相問曰過去未來色微塵及無作色應非色答曰彼亦是色有色相故過去色是已礙未來色是當礙微塵雖一不能礙合聚則能碍無作色雖是無礙所依是礙何者是所依謂四大是也以四大礙故彼亦有礙譬如樹動影亦隨動復次可除却義是色相復次有一相義是色相眼色相異乃至法入中色相異尊者佛陀提婆說曰障礙可壞義是色相與此相違是無色相問曰何故法入中色入中法入中色雖曰若色經剎那是微塵性者在十入中法入中色雖經剎那非微塵性是故不說復次若色是五識所依

五識所緣是十入中說法入中色非五識所依亦非五識所緣是故不說問曰爲色界色多欲界色多答曰若以入故欲界色多所以者何欲界色是二入九入少分色界色是九入少分若以體分色界色多所以者何如施設經所說光音天身轉大梵世天身乃至阿迦膩吒天身亦復轉大梵二法可見法不可見法問曰何故作此論答曰爲止人見顯智希有故廣說如上復有說者所以作此論爲止併義者意故或有說一切法皆是可見如尊者瞿沙等瞿沙作如是說一切法皆是可見以是慧眼境界故爲止如是說

者意亦明法是可見不可見故而作此論云何可見法答曰一入謂色入云何不可見法答曰十一入問曰何故十色入中說一是可見餘非可見耶答曰以色入是麤現見廣說如十二入中色入有二十種謂長短方圓好不好高下青黃赤白光影明闇雲煙塵霧復有說二十一種者二十種如前說及虛空一種色此二十種色幾種有色無形幾種有色有形答曰八種有色無形謂青黃赤白光影明闇餘十二種有色有形復有作四句者或有色無形或有形無色乃至廣作四句有色無形者謂青黃赤白光影明闇此

9 10 11 12 13 14 15 16 17 18 19 180 1 2 3 4 5 6 7 8 9 190 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

面中云何是實耶答曰說若干種生色爲色入不說一種生色如緣月緣月光珠緣器故出水而有水用如緣日緣日光珠緣乾牛糞故出火而有火用非無其實如因火鑽火燧人力故出火而有火用非無其實如是緣鏡緣面生鏡中像實有像用能生眼識非無其實所聞響聲爲是實耶爲非實也譬喻者說言非實所以者何如一剎那頃聲生時卽彼剎那聲滅何容得及生於響耶阿毗曇者說言是實所以者何是耳境界爲耳識所識故問曰如一剎那頃聲生時卽彼剎那聲滅何容得及生響耶答曰說若干種生

聲爲聲入不說一種生聲如緣舌齒脣齶咽喉等相觸故出聲能生耳識非無其實彼亦如是

二法有對法無對法問曰何故作是論答曰欲止人見顯智希有故廣說如上云何有對法答曰十色入謂五內入五外入云何無對法答曰二入謂意入法入有對有三種一障礙有對二境界有對三緣有對障礙有對者如以手打手更相障礙以石打石更相障礙如是等是名障礙有對境界有對者如眼對色等是名境界有對緣有對者如心心數法各自受所緣是名緣有對三種有對此中依障礙有對而作論

9 10 11 12 13 14 15 16 17 18 19 180 1 2 3 4 5 6 7 8 9 190 1 2 3 4 5 6 7 8 9

問曰爲障礙幾入耶答曰或有說者障礙一入謂觸入餘入非觸復有說者障礙五入內入中障礙身入外入中障礙色香味觸若作是說障礙五入者以手打手時以五打五以手打石等時以五打四以石打石時以四打四以石打手時以四打五復有說者障礙無色入除聲入若以手打眼時豈非礙耶評曰應作是說障礙十入若不障礙聲入者聲則無積聚義施設經說眼決定對色色決定對眼乃至意決定對法法決定對意彼尊者造論說境界有對有眼水中不障礙陸地則障礙如魚等有眼陸地不障礙水中

則障礙如人等於水不障礙於陸不障礙如須跋陀人水生羅又等於水障礙於陸障礙者除上爾所事有眼夜不障礙晝則障礙如鴟梟等晝不障礙夜障礙者如人等晝夜不障礙者如鹿馬狸貓等晝夜障礙者除上爾所事此中何者是有對何者是無對答曰若積聚微塵是有對若不積聚微塵是無對復次種種異相是有對無種種異相是無對復次若覆蔽相是有對無覆蔽相是無對復次若有大形段是有對無大形段是無對復次若可除却是有對不可除却是無對

尊者波奢說曰若別異相是則障礙若有障礙是則積聚若有積聚則是形段則可除却若可除却則是有對與此相違則是無對尊者和須密說曰有別異相有障礙相是有對無別異相無障礙相是無對尊者佛陀提婆說曰可除却相是有對不可除却相是無對尊者瞿沙說曰若是積聚微塵性有色可施設長短亦能出聲者是有對積聚微塵性則說入有有色可施設長短者則說色入亦能出聲者則說聲入與上相違是無對尊者婆摩勒說曰合集多微塵聚是有對與此相違是無對

阿毗曇毗婆沙論卷第五十八

音釋

筋	舉欣切	脾	頻切	腎	時眠切	尿	矧切	肪	敷房切
	骨絡也		士藏也		水藏也				
也		涎	徐連切	膽	覩敢切	痰	徒甘切	瘡	於禁房粉切
				肝之府也					
嵐	梵語也此云迅	鑽	祖官切	瘻	徐醉切	臍	切		
猛風廬舍切		穿也		於禁房粉切					
根肉	鵝處脂切	齒	逆各						
也	梟吁嬌								
鴟梟	鵝處脂切梟吁嬌								
	鳥也								

金壇居士于玉德施賚刻此
阿毘曇婆沙論第五十八卷計字六千四百
二十一個該銀二兩八錢八分九厘
崇禎壬申歲孟秋月金沙顧龍山識

9 10 11 12 13 14 15 16 17 18 19 180 1 2 3 4 5 6 7 8 9 190 1 2 3 4 5 6 7 8 9 190

阿毗曇毗婆沙論卷第五十九

迦旃延子造

北涼沙門浮陀跋摩共道泰譯

使犍度十門品第四之六

二法有漏法無漏法問曰何故作此論答曰欲止人見顯智希有故廣說如上復有說者所以作論者爲止併義者意故如摩訶僧祇部說佛身一向無漏問曰彼何故作此說答曰彼依佛經佛經說如來於世間生世間長而出世間不爲世間所染彼作是說若出世間不爲世間所染則知佛身一向無漏爲止如



9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

是說者意亦明佛身是有漏若佛身是無漏者無比女不應於佛身生愛心餘廣說如雜捷度云何有漏法答曰十入二入少分謂意入法入云何無漏法答曰二入少分謂意入法入問曰何故名有漏法無漏法耶答曰若法能增長有是有漏與此相違是無漏復次若法能令有相續能增長生老病死是有漏與此相違是無漏乃至廣說若法障苦集諦是有漏與此相違是無漏尊者和須密說曰云何有漏相云何無漏相答曰從有漏生是有漏相不從有漏生是無漏相復次能生有漏相是有漏不能生有漏相是無

漏尊者佛陀提婆說曰若處所能生漏是有漏相若處所不能生漏是無漏相

二法有爲法無爲法問曰何故作此論答曰爲止人見爲顯智希有廣說如上云何有爲法答曰十一入一入少分謂法入云何無爲法答曰一入少分謂法入問曰何故名有爲無爲法耶答曰若法有生滅有因有有爲相是有爲法與此相違是無爲法復次若法屬因屬緣屬所作屬和合者是有爲法與此相違是無爲法復次若法爲生所生爲住所住爲老所老是有爲法與此相違是無爲法復次若法行世能取

才能知緣能所作是有爲法與此相違是無爲法復次若法墮世在陰是苦相續有前後有上中下是有爲法與此相違是無爲法尊者和須密說曰云何是有爲相答曰世相陰相是有爲相云何無爲相答曰非世相非陰相是無爲相尊者佛陀提婆說曰若以衆生故有生滅者是有爲相若不以衆生無生滅者是無爲相

三法過去法未來法現在法云何過去法答曰過去五陰云何未來法答曰未來五陰云何現在法答曰現在五陰問曰何故作此論答曰爲止併義者意故

如譬喻者作如是說世是常行是無常行行世時如物從器至器猶如多人從一舍至一舍諸行行世亦復如是爲止如是說者意亦明行卽是世世卽是行是故四大捷度作如是說世名何法答曰說行之言復有說者所以作論者爲止言無過去未來於世中愚說現在是無爲法者意故亦明過去未來是實有相若無過去未來者則無成就不成就如第二頭第三手第六陰第十三入無有成就不成就者若無過去未來則無成就不成就若有成就不成就則知必有過去未來是實有相若言無過去未來則應如是

說彼過去若現在時造因彼果當言在過去當言在未來當言在現在耶若在過去者應言有過去不應言無過去若言無過去是事不然若言在未來應言有未來不應言無未來若言無未來是事不然若言在現在則因果共俱若因果俱者則違偈說如說作惡不卽受 不如乳成酪 愚蹈灰底火

不卽時燒足

若果不在過去未來現在則無果若無果則無因如第二頭第三手第六陰第十三入若有因果不在過去未來現在者則是常如無爲法若果在現在時彼三世者則應是常如無爲法復次若無過去未來者則無出家法如偈說

若說無過去 則無過去佛 若無過去佛 則無出家法

復次若無過去未來者則常妄語如偈說
若說無過去 而言有臘數 是則一切時

而常故妄語

復次若無過去未來者則無現在所以者何以有過去未來故施設現在若無三世則無有爲法若無有爲法亦無無爲法所以者何以有有爲故則施設無爲若無有爲無爲法則無一切法若無一切法則無解脫出離欲令無如是過故說過去未來是實有相是故爲止他義欲顯已義亦欲顯法相應義故而作此論問曰世體性是何答曰過去五陰未來現在五陰此是世體性乃至廣說

已說體性所以今當說何故名世世是何義答曰去

義是世義問曰諸行不來不去若來者則不去若去者則不來若來者則來處應空所以者何從彼處來故若去者則妨礙去處所以者何去至彼處故是故尊者和須密說如是偈

諸行無來相 以諸剎那故 而無有去相
亦無有住者

若行無來去云何有三世耶答曰以所作故若諸行無所作是名未來若有所作是名現在若所作已滅是名過去若眼未見色是未來見色是現在見色已滅是過去問曰若然者現在彼分眼云何有所作答

9 10 11 12 13 14 15 16 17 18 19 180 1 2 3 4 5 6 7 8 9 190 1 2 3 4 5 6 7 8 9 190

經

阿彌陀經疏卷五十九

五

西九

已以作相似因故若不現在前則不與未來者作相似因若現在前則與未來者作相似因乃至意亦如是如色未作障礙是未來若作障礙是現在若作障礙已滅是過去如受未生是未來受若生是現在受若生已滅是過去受乃至想行識亦如是復次若法未取果與果是未來若取果與果是現在若取果與果已滅是過去復次若法不取不與依果報果是未來若取依果報果未與者是現在若取依果報果已滅是過去復次若法未與相似因一切徧因是未來若與是現在若與已滅是過去復次若法未生未滅

是未來若已生未滅是現在若生已滅是過去未生未壞已生未壞已生已壞未生未離已生未離已生已離說亦如是復次若法未作三有爲相是未來若已作一今作二是現在若已作三是過去復次若法未作四緣是未來若作四緣是現在若作四緣已滅是過去復次若法與三世作因是過去若與二世作因是現在若與一世作因是未來復次若法是三世果是未來若是二世果是現在若是一世果是過去復次以過去未來故施設現在不以現在施設現在以無第四世故以過去現在故施設未來不以未來

9 10 11 12 13 14 15 16 17 18 19 20 21 22 23 24 25 26 27 28 29

180

190

29

方設未來以無第四世故以未來現在施設過去不以過去施設過去以無第四世故諸過去所有色所有耶答曰或是過去所有非色所有乃至廣作四句過去所有非色所有者過去四陰是色所有非過去所有者未來現在色所有過去所有亦色所有者謂過去色所有非過去所有非色所有者謂未來現在四陰所有及無爲所有如色作四句乃至識亦作四句如過去作五四句未來現在亦作五四句是則有十五四句若色所有盡是方方分所有耶答曰若是方方分所有盡是色所有頗有色所有非方方分所

有耶答曰有過去未來色現在微塵及無作色若受所有彼盡非方方分所有耶答曰若受所有盡非方分所有頗非方分所有非受所有耶答曰有想行識所有過去未來色現在微塵無作色及無爲法所有如受想行識說亦如是諸所有色盡障礙耶答曰若障礙者盡是色所有頗有色非障礙耶答曰有過去未來色現在微塵及無作色諸所有受盡覺耶答曰若覺盡是受頗有受非覺耶答曰有過去未來受如受想行識說亦如是問曰爲已生生未生生若已生生云何諸行非還轉耶若未生生云何諸行非本

9 10 11 12 13 14 15 16 17 18 19 180 1 2 3 4 5 6 7 8 9 190 1 2 3 4 5 6 7 8 9

無而有耶答曰應作是說以事故已生生以事故未
 生生以事故已生生者諸法本住自體相故生以事
 故未生生者一切未來法是未生法故生問曰爲世
 生爲世中生若世生者云何不一法生時一切法生
 若一法生一切法生者則壞世若世中生者云何非
 行異世耶答曰應作是說以事故世生以事故世中
 生以事故世生者一剎那生時即是世故以事故世
 中生者於未來世中一剎那生餘剎那未生故問曰
 爲彼法生卽彼法滅耶爲餘法生餘法滅耶若彼法
 生卽彼法滅者未來法生卽未來法滅耶若餘法生

餘法滅者色生受滅耶答曰應作是說以事故彼法
 生卽彼法滅以事故餘法生餘法滅以事故彼法生
 彼法滅者色生卽色滅乃至識生卽識滅以事故餘
 法生餘法滅者未來世生現在世滅問曰爲自分生
 爲他分生若自分生者云何非本無自分而有自分
 本無物體而有物體若他分生者云何法不捨自體
 答曰應作是說不自分生亦不他分生然如其法體
 生已而滅問曰未來世滅過去世增云何不施設二
 世有增減耶尊者和須密說曰爲增計數過去世來
 世有增減不若不增計數過去未來世何故言過去

1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

未來世有增減耶復次過去未來無量無邊不說有增減譬如於海取百千瓶水不減投百千瓶水不增以海水無量故彼亦如是復次未來法未生未滅故不減過去法生已滅故不增復次未來法未生不壞故不減過去法生已壞故不增復次未來法未生未離故不減過去法生已離故不增尊者佛陀提婆說曰若法行世者何不說有增減但法因緣和合故生因緣離散則滅問曰過去未來爲有積聚如現在牆壁樹木山巖等爲散在處處若積聚者云何施主所作不唐捐其功云何不有方所云何不是常云何不

現見若散在處處者云何說有過去王名善見城名拘耆跋提講堂名善法亦說有毗婆尸佛乃至迦葉佛云何說有未來城名鷄頭未來佛名彌勒云何施設宿命智觀過去事願智觀過去未來事云何非本無今有已有還無答曰應作是說或有說者積聚如現在牆壁等問曰若然者云何非檀越所作不唐捐其功答曰以他見故若彼不修功不現修功則現問曰云何不有方所答曰若有方所復有何過云何非是常耶答曰以有剎那無常故何故不現耶答曰若未爲五識身作境界則不現若已作則現評曰應作

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99

是說現在者是積聚未來過去者散在處處所以者何在法數中故問曰若然者云何說有過去答曰說過去如本現在時云何說有未來答曰如未來當現在時云何宿命智願智境界過去答曰如其所更故譬如會所更字次第立句以顯明義如是彼次第念會所更事生於知見云何願智境界未來答曰如過去現在比相故知猶如農夫以比相故知云何非本無今有已有還無答曰此則不能通薩婆多中有四種論師一說事異二說相異三說時異四說異說事異者言法行世時事與體不異譬如金銀器破已

更作雖形有異其色不異亦如乳成酪時香味雖異其色不異如是未來法至現在時雖捨未來法不捨其體現在法至過去時雖捨現在法不捨其體說相異者言法行世時過去法有過去相非不有未來現在相未來法有未來相非不有過去現在相現在法有現在相非不有過去未來相如人愛一女色於餘女色非不有愛彼亦如是說時異者言法行世時以時異故生於異名非其體異譬如算籌初下名一轉名十復轉名百如是至千萬算籌是一轉其處故有種種名彼亦如是如是說世者名不競亂說以所

9 10 11 12 13 14 15 16 17 18 19 180 1 2 3 4 5 6 7 8 9 190 1 2 3 4 5 6 7 8 9

作故便有三世若法未有所作名未來已作名現在所作已滅名過去說異異者言法行世時以前後故生異名猶如一女亦名爲女亦名爲母以其有母故名女以其有女故名母如是法行世時以前後生於異非時異體異如是說者則名競亂所以者何一世則有三世過去世有三世過去前後二剎那名過去未來過去中剎那名過去現在未來世亦如是問曰何者是薩婆多中四大論師第一名達摩多羅第二名瞿沙第三名和須密第四名佛陀提婆

三法善法不善法無記法云何善法答曰善五陰及

數減云何不善法答曰不善五陰云何無記法答曰無記五陰及虛空非數減何故言善不善無記廣說如不善品中

三法欲界繫法色界繫法無色界繫法云何欲界繫法答曰欲界繫五陰云何色界繫法答曰色界繫五陰云何無色界繫法答曰無色界繫四陰何故名欲界繫色界繫無色界繫法廣說如上

三法學法無學法非學非無學法云何學法答曰學五陰云何無學法答曰無學五陰云何非學非無學法答曰有漏五陰及無爲何故名學無學非學非無

1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

學答曰以無貪道學斷貪故名學以無貪道不學斷貪名無學所以者何先已學故與此相違名非學非無學無患無疑說亦如是復次以無愛道學斷愛彼非愛體是學以無愛道學斷愛則遮無學道體非愛者則遮世俗道以無愛道不學斷愛先已學故體非是愛是無學以無愛道不學斷愛則遮學道體非是愛則遮世俗道與此相違是非學非無學復次學斷煩惱學見真諦是學不學斷煩惱先已斷故不學見真諦先已見故是無學與此相違是非學非無學復次學斷二求謂欲求有求學斷二求欲滿一求謂梵

行求是學不學斷二求先已斷故不學滿一求先以滿故是無學與此相違是非學非無學復次若身中無煩惱得亦有無漏法可得學斷煩惱是學若身中無煩惱得有無漏法可得不學斷煩惱是無學與此相違是非學非無學復次不離愛有無漏法可得學斷愛是學已離愛有無漏法可得不學斷愛是無學與此相違是非學非無學復次見道修道所攝是學無學道所攝是無學三地三根說亦如是復次若無漏法若五種人身中可得者是學五種人者謂堅信堅法信解脫見到身證是學若無漏法二種人身中

9 10 11 12 13 14 15 16 17 18 19 180 1 2 3 4 5 6 7 8 9 190 1 2 3 4 5 6 7 8 9

可得是無學二種人者謂時解脫不時解脫與此相違是非學非無學復次若學無漏法七人身中可得是學七人者是謂四向住三果人若無漏法一人身中可得是無學一人者謂住一果人與此相違是非學非無學復次若無漏法十八人身中可得是學若無漏法九人身中可得是無學與此相違是非學非無學

三法見道斷法修道斷法無斷法云何見道斷法答曰若法堅信堅法行諸忍斷彼是何耶答曰見道所斷八十八使及相應法從彼起共生法是名見道所

斷法云何修道斷法答曰若法學見迹以修道斷彼是何耶答曰修道所斷十使及彼相應法從彼生身口業共生法不染汙有漏法是名修道斷法云何不斷法答曰無漏法問曰何故名見道斷修道斷無斷法答曰廣說如上

四諦苦諦集諦滅諦道諦問曰何故作此論答曰此是佛經佛經說四諦苦諦乃至道諦佛經雖說四諦而不廣分別佛經是此論所爲根本今欲廣分別故而作此論問曰諦體性是何答曰阿毗曇者作如是說五取陰是苦諦有漏因是集諦數滅是滅諦學無

9 10 11 12 13 14 15 16 17 18 19

180

190

190

190

綱
西田昌宣著説法卷五十九

三

西九

學法是道諦譬喻者作如是說名色是苦諦煩惱業是集諦煩惱業盡是滅諦定慧是道諦毗婆闍婆提作如是說八苦相是苦是苦諦餘有漏法是苦非苦諦生後有愛是集是集諦餘愛餘有漏法是集非集非減諦學八道枝是道是道諦餘學法一切無學法是道非道諦若如所說阿羅漢則成就二諦謂苦諦滅諦不成就集諦所以者何生後有愛是集諦阿羅漢生後有愛已斷故不成就道諦所以者何彼說學八道支是道諦阿羅漢得果時已捨故尊者瞿沙說

曰若是自身陰若是他身陰若是衆生數若非衆生數如是皆是苦是苦諦行者見苦時自見身苦非他身苦非非衆生數所以者何逼切義是苦義他身苦非衆生數不逼切故以是事故生智論作如是說自身中苦逼切非他身中苦非不因自身他身然後逼切若無自身者他身及非衆生數苦何所逼切若自身中苦因他身中衆生數非衆生數苦因是集是集諦行者見集時見自身苦因不見他身苦因不見非衆生數苦因若自身中苦盡若他身中苦盡衆生數非衆生數苦盡是滅是滅諦行者見滅時見自身中

9 10 11 12 13 14 15 16 17 18 19 180 1 2 3 4 5 6 7 8 9 190 1 2 3 4 5 6 7 8 9

卷

正田引

十一

上西九

滅非他身滅非非衆生數滅若自身對治若他身若衆生數非衆生數對治是道是道諦行者見道時見自身對治道非他身非非衆生數對治道阿毗曇者作如是說若自身苦若他身苦若衆生數非衆生數苦行者見苦時盡見如是苦問曰行者見苦時見逼切苦他身中苦非衆生數苦非逼切行者見苦時何故見耶答曰彼苦雖非逼切而是所愚處應生於智而是猶豫處應生決定而是誹謗處應生信敬誰作是說他身中苦非衆生數苦非逼切耶若爲他人所打非逼切耶若空中木石墮其身上非逼切耶若自

身陰因若他身陰因若衆生數非衆生數陰因盡是集是集諦行者見集時盡見是集若自身苦盡若他身苦盡衆生數非衆生數苦盡是滅是滅諦行者見滅時盡見是滅若自身陰對治若他身若衆生數非衆生數陰對治盡是道是道諦行者見道時盡見是道此是諦體性乃至廣說

已說體性所以者何今當說何故名諦諦是何義答曰實義是諦義審義如義不顛倒義不異義是諦義問曰若實義審義如義不顛倒義不異義是諦義者虛空非數滅亦是實義乃至是不異義何故不立諦

9 10 11 12 13 14 15 16 17 18 19 180 190

耶答曰若法是苦是苦因是苦盡是苦對治者立諦虛空非數減非苦非苦因非苦盡非苦對治故不立諦如苦陰病癰箭過患重擔說亦如是復次若法如此岸彼岸河筏者立諦虛空非數減非此岸彼岸河筏故不立諦復次若法是苦是苦因是道是道果者立諦虛空非數減與上相違故不立諦復次若法有因有果故立諦虛空非數減無因果故不立諦復次虛空非數減無漏故非苦集諦無記故非減諦無爲故非道諦復次此法不行世故不立三諦無記故不立減諦復次此法非陰故不立三諦非善故不立減

諦復次此法不與苦相隨故不立三諦非善故不立減諦復次若法爲邪見無漏正見所緣立諦此法非邪見無漏正見所緣故不立諦復次若法爲無明明所緣者立諦此法不爲無明明所緣故不立諦復次若法體是煩惱出要者立諦此法非煩惱出要故不立諦復次若法能生厭離隨喜者立諦此法不能生厭離隨喜故不立諦問曰若不顛倒義是諦義者顛倒不應爲諦所攝所以者何體是顛倒故答曰以餘事故立顛倒以餘事故爲諦所攝以二事故立顛倒一者轉行以猛利故二者虛妄三者一向是顛倒以

9 10 11 12 13 14 15 16 17 18 19 180 1 2 3 4 5 6 7 8 9 190 1 2 3 4 5 6 7 8 9

此法實有體性故爲諦所攝復次無常計常無樂計
樂不淨計淨無我計我故是顛倒此法有因有果故
爲諦所攝問曰若不異義是諦義者妄語不應爲諦
所攝所以者何妄語欲誑他作異語故答曰以餘事
故立妄語以餘事故爲諦所攝以異語誑他故立妄
語有實體性故爲諦所攝復次不見言見不聞言聞
不知言知不識言識故立妄語此法有因有果故爲
諦所攝是故實義是諦義乃至廣說

問曰云何立四諦爲以體性爲以因果爲以見時若
以體性則有三諦所以者何離苦無集離集無苦滅
是第二諦道是第三諦若以因果應有五諦苦亦可
言因亦可言果道亦可言因亦可言果滅是第五若
以見時應有八諦行者先見欲界苦後見色無色界
先見欲界諸行因緣後見色無色界先見欲界諸行
減後見色無色界先見欲界諸行對治道後見色無
色界答曰應作是說以因果故立諦問曰若然者應
有五諦答曰以總說故無五諦道若因若果總名苦
滅道總名盡生老病死道問曰苦若因若果亦是苦
集道亦是生老病死道答曰以所行異故苦有果義
者行四行謂苦空無常無我苦有因義者行四行謂

9 10 11 12 13 14 15 16 17 18 19 180 1 2 3 4 5 6 7 8 9 190 1 2 3 4 5 6 7 8 9

因集有緣道亦有因義亦有果義者盡行一種四行謂道如迹乘復次以三事故立四諦一以體性二以因果三以誹謗生信以體性者四諦體性是有漏無漏以因果者有漏體性有因有果有果者是苦諦有因者是集諦無漏體性亦有因有果亦有果無因有因有果者是道諦有果無因者是滅諦問曰何故有漏體性有果者立一諦有因者立一諦無漏體性有因有果立一諦耶答曰以誹謗生信故有漏體性生二種誹謗言無苦無集生二種信言有苦集道若因若果生一種誹謗言無有道生一種信言有道以此

三事故立四諦復次以見諦時故立四真諦問曰若然者應有八諦答曰若欲界苦若色無色界苦見苦時總是苦等四行若欲界行因色無色界行因是集時總是集等四行若欲界行滅色無色界行滅見滅時總是滅等四行若欲界行對治色無色界行對治見道時總是道等四行是故見諦時總行故唯有四諦無八諦

音釋

算蘇貫切 嬌市召切
與擾同 過筆力切 答房越切

阿毗曇毗婆沙論卷第五十九

至

9 10 11 12 13 14 15 16 17 18 19 180 1 2 3 4 5 6 7 8 9 190 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

金壇居士于玉德施資刻此
阿毘曇毘婆沙論第五十九卷計字六千七百
四十八個該銀三兩零三分六厘
崇禎壬申歲孟秋月金沙顧龍山識

阿毗曇毘婆沙論卷第六十

迦旃延子造

北涼沙門浮陀跋摩共道泰譯

使犍度十門品第四之七

問曰苦集滅道有何相尊者波奩說曰逼切相是苦
相有相是集相寂靜相是滅相乘相是道相尊者和
須密說曰轉相是苦相能轉相是集相止相是滅相
住轉相是道相復次轉有身是苦相能轉有身是集
相轉有身盡是滅相住轉有身是道相尊者佛陀提
婆說曰物體作諦名五取陰體如熱鐵久共火合與

火同色三苦與五取陰合亦復如是是苦諦苦從煩惱生業能迴轉是集諦煩惱業壞更不受有是滅諦修戒修定以慧觀生滅能斷有因是道諦

阿彌陀經疏卷第十一

一

180

1

2 3 4 5 6 7 8 9 190 1 2 3 4 5 6 7 8 9 190 1 2 3 4 5 6 7 8 9

火同色三苦與五取陰合亦復如是是苦諦苦從煩惱生業能迴轉是集諦煩惱業壞更不受有是滅諦修戒修定以慧觀生滅能斷有因是道諦

佛說偈言

一諦無有二 衆生於此疑 種種說諸諦
不說有沙門

問曰有四諦何故說一諦尊者波奢說曰一諦者謂苦諦無第二苦諦一集諦無第二集諦一滅諦無第二滅諦一道諦無第二道諦復次一諦者謂滅諦爲對種種解脫故外道計種種解脫無身解脫無邊意

解脫淨聚解脫世俗解脫無身解脫是空處無邊意解脫是識處淨聚解脫是無所有處世俗解脫是非想非非想處佛作是說此是受身處非是解脫真解脫者唯一滅盡涅槃復次一諦者謂道諦爲對種種道故外道計多種道謂不食道臥灰上道事日月道食風食果道倮形道臥刺棘道著弊衣道佛作是說此非是道此是邪道非善人所依道真實道者謂八聖道復次一諦者謂滅諦以能盡身苦故一諦謂道諦能盡惡道苦故

佛經說一諦謂世諦第一義諦問曰云何是世諦云

1 2 3 4 5 6 7 8 9 180

1 2 3 4 5 6 7 8 9 190

何是第一義諦耶答曰或有說者二諦是世諦謂苦
諦集諦所以者何世法在此二諦中故如男女行來
現在所作事悉在彼中二諦是第一義諦謂滅諦道
諦復有說者三諦是世諦謂苦集滅諦所以者何滅
諦佛說是假名彼岸城故一諦是第一義諦謂道諦
復有說者道諦亦是世諦所以者何佛說道諦亦是
假名如沙門婆羅門評曰應作是說四諦亦是世諦
亦是第一義諦苦集諦是世諦者如先所說第一義
諦者如苦空無常無我因集有緣是也滅諦說是世
諦者佛說滅諦如城如園林第一義諦者盡止妙離

道諦是世諦者佛說道諦如棟如石如山如華如水
如梯如樓觀第一義諦者道如迹乘若作是說四諦
盡是世諦第一義諦者則一切法盡有世諦第一義
諦世諦攝十八界十二入五陰第一義諦亦攝十八
界十二入五陰問曰世諦中爲有第一義諦不若有
第一義諦者便是第一義諦無有世諦若無者亦是
一諦謂第一義諦答曰應作是說世諦中有第一義
諦若世諦中無第一義諦者如來說二諦則不如其
實以如來說二諦如其實故世諦中應有第一義諦
問曰若然者便有一諦謂第一義諦答曰如是唯有

1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

一諦謂第一義諦問曰若然者佛何故說二諦答曰以事故不以體分唯有一諦謂第一義諦以事故而有差別若以事故名爲世諦不以此事名第一義諦若以事故名第一義諦不以此事名爲世諦猶如一受有四緣性謂因次第境界威勢緣若因以事故名爲因緣不以此事名爲世諦猶如一威勢緣不以此事名爲因緣又一受有六因性謂相應共生相似一切徧報所作因若以事故名相應因不以此事乃至名所作因若以事故名所作因不以此事乃至名相應因彼亦如是問曰世諦第一義

諦爲可得施設別體不雜合耶答曰可得尊者和須密說曰名是世諦名所顯義是第一義諦復次隨順世間所說名是世諦隨順賢聖所說名是第一義諦尊者佛陀提婆說曰若說衆生如其所念相應之言是名世諦若說緣起等法如其所念相應之言是名第一義諦尊者陀羅達多說曰世諦體相是名苦集諦少分

佛經說婆羅門梵志有三諦是婆羅門梵志諦云何爲三婆羅門梵志作如是說不應害衆生如是說者此言是實是名婆羅門梵志初諦婆羅門梵志復作

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99

180 190 200 210 220 230 240 250 260 270 280 290 300 310 320 330 340 350 360 370 380 390 400 410 420 430 440 450 460 470 480 490 500 510 520 530 540 550 560 570 580 590 600 610 620 630 640 650 660 670 680 690 700 710 720 730 740 750 760 770 780 790 800 810 820 830 840 850 860 870 880 890 900 910 920 930 940 950 960 970 980 990

是說我非彼所有彼非我所有如是說者此言是實
 是名婆羅門梵志第二諦婆羅門梵志復作是說所
 有集法皆是滅法如是說者此言是實是名婆羅門
 梵志第三諦問曰此中何者是婆羅門何者是諦答
 曰佛法外道是婆羅門向所說三諦是名諦餘悉非
 諦不害衆生者不殺一切衆生我非彼所有彼非我
 所有者我不屬彼彼不屬我所有集法悉是滅法者
 所有生法皆當歸滅復有說者此佛法內名婆羅門
 諦者向所說三諦佛爲對外道故說此經外道自言
 是婆羅門而逼切他所以者何爲祠祀故殺牛羊水

牛及餘種種衆生佛作是說若逼切衆生不名婆羅
 門實義婆羅門者謂不惱害一切衆生外道自言是
 婆羅門爲天女色故而修梵行佛作是說婆羅門者
 不應爲天女色而修梵行實義婆羅門不爲女色不
 爲居家無所染著外道自言是婆羅門而貪著斷常
 見佛作是說婆羅門者不應貪著斷常若知集法即
 是滅法是實義婆羅門復次此經說三解脫門方便
 不害一切衆生是空解脫門方便我非彼所有彼非
 我所有是說無作解脫門方便所有集法悉是滅法
 是說無相解脫門方便如三解脫門三三昧三種身

9 10 11 12 13 14 15 16 17 18 19

10 11 12 13 14 15 16 17 18 19

三學三修三淨說亦如是

佛經說比丘當知觀察四方者是四諦問曰世尊何故說方名諦答曰爲教化故受化者應聞諦以方名說然後悟解如餘經中說佛爲受化者說解脫門名方受化者應聞解脫門以方名說佛便以方名說解脫門彼亦如是問曰四諦四方有何相似答曰俱是法方亦有四諦亦有四問曰何方與何諦相似答曰東方當知如苦諦西方如集諦如行者見諦時前見苦諦後見集諦復有說者東方是集諦西方是苦諦是因果法前因後果故南方如道諦所以者何道諦

是福田故北方如滅諦滅諦無有上故

佛經說慧根當知在四諦中問曰爲以攝故言在中爲以緣故言在中若以攝故言在中者慧根不攝四諦四諦不攝慧根若以緣故言在中者慧能緣一切法答曰應作是說不以攝故亦不以緣故言在中以慧根分別諦時勢用最勝說言在中如信根於四不壞信勢用勝故佛作是說信根當知在四不壞中如精進根於四正斷中勢用勝故佛作是說精進根當知在四正斷中念根於四念處勢用勝故佛作是說念根當知在四念處中定根於四禪中勢用勝故佛

作是說定根當知在四禪中復有說者以緣故作如是說問曰若然者慧緣一切法答曰此中說緣有漏無漏慧緣虛空非數滅慧一向有漏故說緣

尊者舍利弗作如是言諸長老當知所有一切善法皆從四諦生四諦所攝在四諦中問曰如三諦是有爲能生善法可爾滅諦是無爲云何能生善法耶答曰雖不能生善法能攝善法復次生有二種一有善法二生善法滅諦雖不生善法而是有善法復次此中說得生滅諦雖不生善法而滅諦得善法生尊者波奢說曰此中說忍及智緣在緣中苦忍苦智道諦

所攝緣在苦諦集忍集智道諦所攝緣在集諦滅忍減智道諦所攝緣在滅諦道忍道智道諦所攝緣在道諦

佛經說如來等正覺隨宜說法皆爲拔濟衆生令得勝處亦爲分別顯現解說四聖諦法云何爲四謂苦聖諦苦集聖諦苦滅聖諦苦滅道聖諦問曰何故言拔濟答曰自拔濟非以他修道故名拔濟何以知之答曰經說有婆羅門名度得迦往詣佛所而說是偈

今見婆羅門 現行在人間 我今禮偏眼
願脫我狐疑

9 10 1 2 3 4 5 6 7 8 9 10

1 2 3 4 5 6 7 8 9 10

1 2 3 4 5 6 7 8 9 10

經

問曰此偈爲說何事答曰彼婆羅門其性懶惰欲令他人修道斷煩惱是故向佛作如是愛語汝實是天而生人間願見矜愍汝爲我故而修聖道斷我煩惱佛卽說此偈

我無自在力 能斷汝狐疑 汝見勝法時
乃得度大海

佛作是說婆羅門當知無有他人修道自斷煩惱若當他人修道自斷煩惱者我初在菩提樹下修道之時一切衆生煩惱應斷所以者何我有大悲心普及一切衆生故但他人修道自斷煩惱無有是事若自

修道自斷煩惱可有是事猶如他人服藥自除其病無有是事若自服藥自除其病斯有是事是故自拔濟名爲拔濟不以他修道故而得拔濟復次言拔濟者如高山險谷是可畏處凡夫法亦如是平坦地無可畏處聖法亦如是能拔凡夫高山險谷可畏之處安置聖法平坦之地無可畏處故言拔濟復次等入正法中故言拔濟等者是世第一法入正法中者是苦法忍問曰何故說諦名拔濟說陰界入不名拔濟耶答曰以觀諦時得正決定能得果離欲盡漏復次說諦是勝說亦爲勝受化者說以近生法身近得諦

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

故說界爲初行者說入爲已行者說陰爲久行者說
問曰言聖諦者爲以善聖故言聖爲以無漏聖故言
聖爲以聖人成就故言聖若以善聖言聖諦者二是
善謂滅道二有二種謂苦集若以無漏聖言聖諦者
二諦是有漏二諦是無漏若以聖人成就言聖諦者
非聖亦成就如說誰成就者苦集諦答曰一切衆生
應作是說聖人成就故言聖問曰若然者非聖亦成
就諦答曰言成就者成就四諦凡夫雖成就諦不具
四諦問曰聖人亦有不具成就四諦者如具縛入
見道時苦法忍現在前答曰以時少故若苦法智生

具成就四復次聖人中有具成就四諦者凡夫中乃
至無有一人具成就四諦者尊者僧伽婆修說曰佛
在世時凡夫聖人共論此事凡夫人作如是說諸行
是常樂我淨聖人作如是說諸行是無常苦空無我
凡夫人言我所說是實聖人亦言我所說是實以是
事故共詣佛所佛作是言聖所說是實所以者何聖
諦是聖人所知見法是故名聖諦復次若身中有聖
法印者彼所有諦名爲聖諦復次若得聖戒名爲聖
人彼所有諦名爲聖諦復次若得聖慧名爲聖人彼
所有諦名爲聖諦復次若得聖舍摩他毗婆舍那名

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

爲聖人廣說如上復次若得聖財名爲聖人廣說如上復次若得聖覺支名爲聖人廣說如上復次若得聖胎名爲聖人廣說如上

云何苦聖諦佛經說生苦老苦病苦死苦不愛會苦愛別離苦求不得苦略說五取陰是苦生相故是生苦住變異相故是老苦逼切相故是病苦盡相故是死苦不愛相共會故是不愛會苦相別離故是愛別離苦不得自在故是求不得苦如是等諸苦皆是有漏五取陰所攝是故略而言之五取陰苦復次生是一切苦立足處一切苦因故名生苦壞可愛盛年故是老苦壞可愛無病故是病苦壞可愛命故是死苦共不可愛境界會故是不愛會苦與可愛境界離別故是愛別離苦一切意所念不果故是求不得苦如是等諸苦是有漏取陰所攝故作是說略說五取陰是苦問曰五取陰是廣苦何故言略說五取陰是苦答曰五取陰廣亦是苦略亦是苦住五取陰多諸過患說不可盡是故佛說略而言之五取陰是苦猶如有人多諸過惡人作是言此人過惡不可具說略而言之是多過惡人彼亦如是問曰陰中爲有樂不耶苦陰中有樂者何以不言樂諦但言苦諦若無者佛

經

阿彌陀經疏解卷之二

十一

西

經云何通如說摩訶男若色一向是苦無樂不能生喜樂意衆生則更無餘因能令衆生起於愛心摩訶男色非一向苦故衆生於中起染愛心乃至識亦如是又如說三受各有定體不相雜合謂苦樂不苦不樂又如說以所須具能修於道以道能到涅槃以道樂能得涅槃樂答曰應作是說陰中有樂而樂少苦多樂法少苦法多以樂少故說在苦分中譬如毒瓶一滴蜜墮中不以一滴蜜故名爲蜜瓶以毒多故名爲毒瓶彼亦如是復有說者陰中無樂以是事故名爲苦諦不名樂諦問曰若然者佛經云何通答曰受

上苦時於中苦作樂想受中苦時於下苦作樂想受地獄苦時以畜生苦作樂想受畜生苦時以餓鬼苦作樂想受餓鬼苦時以人苦作樂想受人苦時以天苦作樂想復有說者如世人所言陰中有樂世人饑渴得飲食寒時得溫疲時得乘熱時得涼作如是說我今得樂如聖人言陰中無樂聖人觀阿鼻地獄陰界入如熱鐵丸乃至觀有頂陰界入亦如熱鐵丸云何苦集聖諦佛經說生後有愛及喜心俱愛處處喜愛是名苦集聖諦問曰世尊何故捨諸有漏法但說愛是集諦非餘法耶答曰施設集諦愛增益勢用

勝是故佛唯說愛是集諦非餘有漏法如思於造作
法增益勢用勝故佛於一切相應不相應法中說思
是行陰彼亦如是復次以愛是過去未來現在苦因
根本出處起處因故復次以愛數數生苦勢用勝故
如偈說

如樹不拔根 雖斷而復生 不拔愛使本

數數還受苦

復次愛能潤澤亦能燒害猶如熱油滴人身上亦潤
亦燒彼亦如是復次以愛能起受生死屍鬼故譬如
有水處能起死屍鬼如有愛水處能起受生死屍

鬼復次以愛故受畜衆生數非衆生數物衆生以愛
故畜衆生數物謂妻子奴婢及諸僮僕象馬牛羊等
衆生數物衆生以愛故畜非衆生數物謂宮殿屋舍
種種財寶及種種穀麥復次衆生以愛故長養男身
女身衆生以愛故如法供養父母妻子奴婢及諸親
屬知識如鳥以愛故於一谷中接取諸蟲於一谷中
自養其子復次以愛欲故得未來有身以欲故追求
故得復次以愛潤故令生死不萎枯譬如藥果樹木
以水潤故而不萎枯彼亦如是復次以愛潤故後有
芽生以愛故父母精氣在母胎中爲捷闡婆作所依

復次如愛行所依所緣故而生餘煩惱行所依所緣亦生如大魚去處小魚亦隨彼亦如是以是事故說愛是衆煩惱王復次若身中有愛著餘煩惱亦著如衣膩塵垢亦著彼亦如是復次若身中有愛水諸煩惱則樂著此身譬如水處魚等水性則生樂著彼亦如是復次愛於鹹水難可止足猶如渴人飲於鹹水飲已轉渴如是未離欲衆生復於境界轉生渴愛復次以愛故別異衆生能令合會如以水故能令別異土沙而得合會彼亦如是復次以愛故能令衆生善根不熟亦作潤濕令自身相著譬如蠅著酥油蜜

濕草之上則不能飛騰虛空彼亦如是復次愛因時所行異果時所行異因時所行如親愛果時所行如怨家猶如商人入海與羅刹交初所行異後所行異初作是言善來賢善來大仙願爲我等作主乃至廣說後若交會得其意時擲鐵城中食其血肉唯有餘骨愛亦如是因時所行猶如親愛果時所行猶如怨家衆生以愛故造諸惡業墮惡趣中受無量苦復次說愛是受生因如說業是取生因愛是受生因復次愛難斷難却此中應說喻猶如有人爲二羅刹所持一作母形二作怨家形母作形者難除難却作怨

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

形者易除易却如是未離欲衆生爲二結所因謂
 患結愛結患結易斷易却愛結難斷難却復次以愛
 結數數微細行愛行時微細難可識知譬如旋師所
 用利器有所截斷微細難覺彼亦如是復次以愛在
 三有支中初生是愛增廣是取前次第滅是無明復
 次佛經說愛是前導如說阿難當知緣愛故有追求
 緣追求故得緣得故分處緣分處故生偏愛緣偏愛
 故生貪著緣貪著故生慳緣慳故受不捨緣受不捨
 故生守護緣守護持刀執杖生種種鬪諍欺詭妄語
 生餘種種惡不善法復次以愛於八處染汙定勢用

勝故如說味初禪住時亦味起時亦味乃至非想非
 非想處亦如是復次佛說愛如縛如偈說愛繫縛衆
 生如繩繫飛鳥乃至廣說復次佛說愛如網如說我
 愛如網如枝復次佛說愛是廣如說廣無過於愛渴
 復次說愛如河如說比丘當知三河者謂欲愛色愛
 無色愛復次愛難斷難過難除故復次愛多諸過患
 故復次以愛故有界差別地差別種差別能生一切
 煩惱以如是等事故佛經說愛是集諦非餘有漏法
 云何苦滅聖諦答曰佛經說生後有愛及喜心俱愛
 處處喜愛已吐已捨盡無餘是名苦滅聖諦問曰集

亦滅何故但說苦滅聖諦不說集滅聖諦答曰應說集滅聖諦亦應說苦滅聖諦而不說者當知此說有餘復次若說苦滅當知已說集滅所以者何苦外更無有集若說苦滅當知已說集滅復次若說苦滅受化者則生喜心言是滅妙好能滅此弊惡苦集法不爾以如是等事故但說苦滅不說集滅云何苦滅道聖諦答曰佛經說八聖道是也正見乃至正定問曰此亦是集滅道不但是苦滅道何故但說苦滅道不說集滅道耶答曰如說苦滅道聖諦亦應說集滅道聖諦而不說者當知此說有餘復次若說苦滅道聖諦當知已說集滅道聖諦所以者何苦外更無集故復次若說苦滅道聖諦受化者則生喜心言是道妙好能滅此弊惡苦集法不爾復次欲現道力令苦不生故設有人問道汝能令因非因果非果耶彼當答言不能但能令生苦因緣者不生復次爲止誹謗道故若人年七歲八歲得阿羅漢道後壽百年於其中間身受無量諸苦如是四百四病等世人見之而作是言此人有道爲無所益受苦若此佛作是言道已於此人大有所作此人若身壞命終更不受諸苦以如是等事故說苦滅道聖諦不說集滅道聖諦

9 10 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

問曰世尊何故先說苦諦乃至後說道諦答曰欲令文義隨順故若先說苦諦後乃至說道諦則文義隨順復次若如是說諦則說者亦易受者亦易復次此諸法或以起處得名或以隨義得名或以見時得名以起處得名者如念處禪無色定等行者先修身念處佛先說身念處後乃至說法念處禪無色定廣說亦爾隨義得名者如正斷神足根力覺道等見時得名者如四聖諦行者先見苦諦佛先說苦諦後乃至見道諦佛後說道諦問曰此中因論生論行者何故先見苦諦後乃至見道諦答曰以麤細故四諦中苦

諦最麤以苦麤故行者先見三諦細故行者後見如索迦人蛇摩那人兜法羅人學射之時先射簸箕草人濕泥團等箭矢無不著後漸更學乃至射一毛彼亦如是問曰應先因後果何故行者先見苦果後見集因答曰先見苦後斷集是隨順法云何知苦隨順斷集耶答曰如樹先斷其枝後拔根易如生死樹先知苦枝後拔集根則易問曰道在前滅在後何故行者先證滅後修道答曰先證滅後修道是則隨順若當先修道後證滅者不知此道爲是誰道若先證滅後修道者乃知此道是滅道如人問他示我道處他

人問言爲問至何處道答言欲至城道他人答言此
道卽是如彼以城示道則得隨順此亦如是以滅示
道則得隨順復次行者先以道斷緣三諦愚後起緣
道現在前斷緣道愚如人於他面無疑於自面有疑
若以明鏡照自面像疑心則除彼亦如是復次緣苦
愚持緣集愚緣集愚持緣滅愚緣滅愚持緣道愚不
得不除緣苦愚除緣集愚不得不除緣集愚除緣滅
愚不得不除緣滅愚除緣道愚如持生亦如是復次
觀苦觀能生觀集觀觀集觀能生觀滅觀觀滅觀能
生觀道觀不可不生觀苦觀乃至能生觀道觀復次
觀苦觀是集觀因是根本是出處是所作是緣是起
處集觀是滅觀因等滅觀是道觀因等不可不生觀
苦觀乃至生觀道觀復次觀苦觀是觀集觀方便是
門是所依乃至滅觀是觀道觀方便是門是所依餘
廣說如上復次觀苦觀是觀集觀所依處立足處乃
至觀滅觀是觀道觀所依處立足處餘廣說如上尊
者波奢說曰行者先知五取陰如癰後求其因知集
是因何處能除此因滅處能除誰能滅耶道能滅之
如身體細軟之人身生癰瘡受大苦惱作如是念此
瘡何由而生知從風冷熱生何處能令無此謂無病

處誰能除此謂若塗若熟若破彼亦如是復次行者知此五取陰是過患誰是其因集是其因何處得除滅處得除誰能除之道能除之如人有子作賊行惡親近惡友彼人作是念誰令我子作如是惡知親惡友誰能除制知是善友彼亦如是彼見苦時先見欲界苦後見色無色界苦問曰何故行者先見欲界苦後見色無色界苦耶答曰以麤細故欲界苦麤色無色界苦細行者先見欲界麤苦後見色無色界細苦問曰若然者色界苦麤無色界苦細何故一時見耶答曰以與此身俱不俱故欲界苦與身俱色無色界苦雖有麤細而不與此身俱故一時見復次欲界苦屬我是我有色無色界苦不屬我不見我有是故俱見復次欲界苦苦痛逼切如負重擔是以先見色無色界苦非苦痛逼切如負輕擔故是以俱見復次欲界苦是近故先見色無色界苦是遠故俱見如近遠俱不俱此身他身說亦如是問曰行者於色無色界苦爲現見不答曰現見有二種一離欲現見二自身現見行者於欲界苦有二種現見謂自身現見離欲現見於色無色界苦雖有離欲現見而無自身現見譬如賈客有財兩擔一自身擔二

9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

使他擔於自身擔者有二種現見一知財現見二知重現見於他擔者有一種現見謂知財現見復次欲界苦是善不善無記是以先見色無色界苦是善無記是故俱見復次行者成就欲界凡夫性是以先見不成就色無色界凡夫性是故俱見復次誹謗時先誹謗無欲界苦是以先於欲界苦生信後誹謗色無色界苦是以後生信

阿毗曇毗婆沙論卷第六十

音釋

保

果切
赤體也

刺棘

刺七賜切
棘訛力切

簸箕

簸補過切
箕居之切

金壇善女入于門潘氏法名廣珍施資刻此
阿毘曇毘婆沙論卷第六十計字六千九百七
十個該銀三兩一錢三分五厘
崇禎壬申歲孟秋月金沙顧龍山識

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

詩經

周易

五

西十

傳說
卷之三
金鑑
善人
王門
九思
齊東
晉漢

詩經

周易

五

西十

ツ
サ
ニ